



सानसेयारि 'बड'सा' खरीरालाइयाव  
समज्यादि जिज्जो लोब्बा थानाय रायथाय, खन्थाय,  
सल', सल'बाथा आरु हावबायारि थावनि, पार्क  
बाइदिनि स्यायव लिन्नाय लिन्नाय दैथाय डर!  
सानसेयारि 'बड'सा' खरीरालाइया सेबरानानै  
फोसावगोन।  
बड'सायाव लिन्नाययनि दुबा खलाम,  
'बड'सा' खरी नोथां, जो बयबो आंगो खलाम।  
सानसेयारि बड'सा मावखुनि  
माइबं नोगोर, जोहोलाव दैमालु लामा  
कक्राझार, बिदिसि-783370  
Website: www.bodosanewspaper.com

BODOSA ★ A Bodo News Daily ★ Thursday ★ 18 April, 2024 Kokrajhar, BTC, Assam ★ Vol.- 34, Issue No. 22 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

## गिबि खोलोबनि मोन 5 बियाबआवनो बिजेपिनि देहासारनाया रेखा: गिबि मन्थि

आं फाफि जानानैबो खेब 5 एमएलए आरो गिबि मन्थि जानो हादों

गुवाहाटी, 17 एप्रिल: लकसभा बिसायख 'थिनि गिबि खोलोबनि बिसायख 'थियाव बिजेपिआ मोन 5 बियाबआवनो गोबां भटनि फारागथियाव देरहासादनो हागोन। बे बिबुथिखो लाखिदों रइज्योनि गिबि मन्थि छ हिमन्त बिश्व शर्माआ। दिने शिबसागरआव बिसायख 'थि फोसावदिनायनि



जोबथा सानखालि बिजाथि गोदेर रड स्व'आव बाहागो तपन गगैजों खुंफुनाय मोनसे लानानै गिबि मन्थिआ खौरां

बिजोनि सिगाडव मोनफ्रोमबो लकसभा बियाबनि मोन 10 बिधान सभा बियाबफोरावनो बिजेपिआ देरहासादगोन होन्ना दाबि दैखाडो। शिबसागर आरो तिताबर बिधान सभा बियाबआव गुबुन दोलोनफ्राय 25,000 बांसिन भट मोन्नानै देरहासागोन होन्ना दाबि दैखाडो। मोनबा लकसभा बियाबआव मोन 50 बिसायख 'थियारि फोसावदिनाय हाबाफारियाव बाहागो लानायाव (□ 5 बिलाइआव)

उदालगुरि, 17 एप्रिल: समबारआव एनडिए सरकारनि बिसायख 'थियारि फोसावलाइ होनायनि उनावनो उदालगुरि बिजेपिनि गाहाइ बिसायख 'थि मावख'आव बे आयदानि सोमोन्दै एमपि दिलीप शइकियाआ मोनसे खौरांगिरि मेलनि गेजेरजों फोरमायनायखौ नुनो मोन्दों। खौरां बिजोनि सिगाडव बिसायख 'थियारि फोसावलाइनि सोमोन्दै फोरमायनो थानानै बे खेबनि (□ 5 बिलाइआव)



## कक्राझार जनजाति लकसभा बियाबनि थाखाय कंग्रेस आरो अबर' सुरक्षा समितिनि उदां बिजाथिआ नमिनेसनलाइ गथायदों

कक्राझार, 17 एप्रिल: भारतनि सुबुं आफाद बिसायख 'थिनि थिखानाय सम-फारिआ माखासे सानल' आद्रा दंसै। बे बिथिडवोनो दिने 1 नं. कक्राझार लकसभा बियाबआव सानै बिजाथिफोर आरोबाव नेमिनेसनलाइ गथायबाय। नमिनेसनलाइखौ कंग्रेस दोलोन बिजाथि गर्जन मुसाहारि आरो अबर' सुरक्षा समितिनि सायख 'जानाय बिजाथि जन दासमोनहा

गथायनायदों। मख 'नो गोनादि, कंग्रेसनि बिजाथि गर्जन मुसाहारिआ नमिनेसनलाइ गथायनायनि सिगां दिने कक्राझार सहरनि हाथिमातायाव थानाय सोरां गोजौ फरायसालि गेलेमु फोथाराव आसाम प्रदेश कंग्रेसनि आफादगिरि भुपेन बर, भारतीय जातीय कंग्रेसनि गाहाइ नेहाथारि आरो आसामनि बिबानगिरि जितेन्द्र सिं, नेहाथारि पुथिवराज सार्तेकनि नुजाथि फेनायाव (□ 5 बिलाइआव)

## राइज्योआरि केन्सार फसंथाननो रटारी क्लाबआ एम्बुलेन्स गथायदों



गुवाहाटी, 17 एप्रिल: गुवाहाटी फाहामथाय फरायसालिमानि सिडव थानाय

राइज्योआरि केन्सार फसंथाननो रटारी क्लाबनिफ्राय दिने गंसे एम्बुलेन्स गथायनानै होदों। रटारी

क्लाब अफ गुवाहाटीनि हेफाजाबाव, रटारी इन्टरनेसेनेल डिस्ट्रिक्ट 3240 ट्रास्टनि हेफाजाबाव, रंसारि पास्ट डिस्ट्रिक्ट गधर्नर रमेश प्रशाद आगरवालानि गोसोखाथियाव बे एम्बुलेन्सखौ फसंथाननो गथायनाय जादों। थानाय गोबाव बोसोर नाडे रटारी क्लाब अफ गुवाहाटीनि बान्जायनायाव गुबुन गुबुन समाजयारि (□ 5 बिलाइआव)

## अगप आरो इडपिपिएलनि सानै दैदेनगिरिजों लोगोसे सा 687 सोद्रोमाफोरा बिपिएफआव हाबदों

कक्राझार, 17 एप्रिल: बिसायख 'थिनि नेमखाथि बायदिये 1 नं कक्राझार लकसभा बियाबआव बे समाव बिजाथिफोरा गावसोरनि बिजाथिलाइ गथायबाय थानाय समावनो दिने कक्राझार सालाकाटिआव बिपिएफ दोलोन मोनसे दोलोआव हावनाय हाबाफारि खुंफुनायखौ नुनो मोन्दों। बे दोलोआव हावनाय हाबाफारियावनो आसाम गन परिषदिनि जिल्ला आफादगिरि जाकिर हुसेन आरो इडपिपिएलनि मिरु (□ 5 बिलाइआव)

## बाक्सानि बारापेटा नेपालि बस्टियाव संकल्प मुनि गोसोखां बिलाइ बेखेवदों



सालबारि, 17 एप्रिल: बाक्सा जिल्लानि सालबारि महकुमानि सिडव थानाय खारिजा बिजनीनि बारापेटयाव जर'खा सोल्लोथायगिरि सबिलाल लुइटेल् आरो मिनाकुमारि लुइटेल्नि गोसोखाथियाव 'संकल्प' मुनि गांसे गोसोखां लाइसि बेखेवनाय जायो। आजिरा मोन्नाय फोरोगिरि अनिल दासनि (□ 5 बिलाइआव)

सालबारि, 17 एप्रिल: फैगौ लकसभा बिसायख 'थिखौ लानानै राइज्योनि गुबुन गुबुन राजखाथि दोलोफोरा बिसायख 'थि फोसावदिनायाव मुखव जानानै थानायखौ नुनो मोन्दों। राइज्योआव गुबुन गुबुन राजखाथि दोलोफोगु गुबुन गुबुन ओन्सोलफोराव बिसायख 'थि फोसावदिनाय हाबाफारियाव मुखव जानानै दडः। बेबायदिनो कक्राझार लकसभा बियाब एबा बाक्सा जिल्लानि सालबारि महकुमानि बेखेनाव थानाय

## 17 बोसोरआ खुन्दुं-खम्बलनि राजखाथिसो सोलिदोंमोन: गौतम दास

बाक्सानि बारापेटाआव जुथाइ दोलोआ बिसायख 'थि फोसावदिदों



कारिजा बिजनी बारापेटाआव बिजेपि जुथाइ दोलोजों हेफाजाव होजानाय इडपिपिएलनि बिजाथि

जयन्त बसुमतारिनि हेफाजावआव मोनसे (□ 5 बिलाइआव)

## कुमारकताआव रंजालि बैसागु फालिनो लाहार-फाहार

बडाइगाव, 17 एप्रिल: आसामनि गुबुन गुबुन ओन्सोलफोराव गुबुन गुबुन हाबाफारिजों रंजालि बैसागु फालिनायजों लोगोसेनो आफां आसामनि बडाइगाव जिल्लानि बेखेनाव थानाय कुमारकता मुनि गामियाव फैगौ 19, 20 आरो 21 एप्रिल अक्ट'आव सान्थामनि मेहेरगोनां हाबाफारिनि गेजेरजों कुमारकता आन्सलिक रंजालि बैसागु गौथुमनि हेफाजावआव रंजालि बैसागु



फालिनो लाहार-फाहार गोनां बे रंजालि बैसागुखौ खलामबाय थानाय जादों होन्ना सामलायनो थाखाय आफादगिरि मिबथिनो मोन्दों। सान्थामनि महैरै मृनाल पाठक, मावफुं मेहेरगोनां हाबाफारिजों खुंफुनो (□ 5 बिलाइआव)

## कक्राझाराव 66 थि रडालि बिहु फोर्बो जागायजेनबाय

कक्राझार, 17 एप्रिल: असमीया माइथाय गोदान बोसोर आरो आंगोनि बिहु (बैसागु) फोर्बोखौ लानानै राइजोनि सोरगिदिं आथिखालाव ढल, पेपा, गंगना, खाम-सिफुं, जथा आरो दाव खौओनि गावनाय मिलौदो खबाम रिखानायाव रंजा-गोजोन थारासि सोमजिदों। उदां बोथोर समनि बेबायदि थासारियाव राइज्योनि गुबुन गुबुन ओन्सोलजों लोगोसे बिदिसिनि सदर कक्राझारावबो दिनेनफ्राय



सानथामनि गेदेर हाबाफारिजों रडालि बिहु एबा रंजालि बैसागु खुंजादों। मख 'नो गोनादि, कक्राझार रडालि बिहु फोर्बो फालिथाय आफादनि बान्जायनायाव कक्राझार सदर

सहरनि कक्राझार सरकारि गोजौसिन गेजेरि आरो थांखिबां फरायसालिनि गेलेमु फोथारव दिनेनफ्राय सानथामनि गेदेर हाबाफारिजों 66 थि रडालि (□ 5 बिलाइआव)

## गाजा-गोमजारै गेवलां बैसागु खुंनानै रंजादों

सानसेनि हाबाफारिजों भावलागुरि गामियाव रंजालि बैसागु फोर्बो खुंदों

स्टाफ रिपटर्, 17 एप्रिल: रंजालि बैसागु फोर्बो आरो गोदान बोसोरखौ बरायनायजों लोब्बा लाखिनानै दिने 17 एप्रिल (4 बैसागु) अक्ट'आव सानसेनि मेहेरगोनां हाबाफारिजों चिरां जिल्लानि 1 नं. काशिकत्रा (भावलागुरि गामि) आव गेवलां (लांदां) बैसागु फोर्बो फालिनाय जायो। भावलागुरि गेवलां बैसागु खुंफुं आफादनि बान्जायनायाव आरो गामिनि राइजो-राजाफोरनि मदतजों



गामिनिनो गेवलां गेलेग्रा फोथारव गेवलां बैसागु फोर्बोखौ मेहेर गोनाडे खुंनाय जायो। गेवलां बैसागु फोर्बोनि हाबाफारिखौ

बेखेवजेनानै होयो दुलाराय बर' फरायसा आफादनि गाहाइ नेहाथारि खनिन बसुमतारिआ। बेखेव हाबाफारियाव चिदली-

चिरां दख 'रा दुलाराय बर' फरायसा आफादनि आफादगिरि आरो गुबुन गुबुन बिबानगिरि आरो राइजो-राजाफोरा बाहागो (□ 5 बिलाइआव)

## सरुपेटा साहित्य सभानि बान्जायनायाव सा 7 जर'खा सुबुंफोरखौ बराय मान बाउदों

भबानिपुर, 17 एप्रिल: सरुपेटा साहित्य सभानि बान्जायनायाव असमीया गोदान बोसोराव 'निजर दिन' (गावनि सान) मुनि मोनसे हाबाफारि खुंदों। मख 'नो गोनादि, असमीया माइथाय थानाय 1, 2 आरो 3 बैसागयाव सरुपेटा साहित्य सभानि आफादगिरि जगनाथ तालुकदार, नेहाथारि द्विजेन्द्र दास, बारग' आफादगिरि रामकृष्ण



तालुकदार, दिननाथ बर्मन, प्रबध कुमार शर्मा, बोसोनगिरि माधव चन्द्र पाठवारि, बिरेन्द्रनाथ राना पाठगिरि, लेइइ आफादगिरि मपिजुहिनि आहमेद, रनेन दास, अशिनि ठाकुरिया, माधव कलिता, चम्पक दास, समिन बर्मन, पंकस तालुकदार, रन्जन ठाकुरिया, प्रदिप बर्मनमोनजों लोगोसे माखासे बिबानगिरिफोरा (□ 5 बिलाइआव)

कक्राझार, 17 एप्रिल: कक्राझार सहरनि गोजाम अबार बिडजआव दिने मोनसे गिखंथाव लामानि जाब्रबथाइ जानायनि खौरां मोन्नाय जादों। जाब्रबथाइनि जाहोनाव सहरनि भट्याव कासिपारानि मृणाल कुमार राय (34)आ जायगायावनो जिउ गोमानो गोनां जानायजों लोगोसे हरिनागुरिनि समेन नाजार्नि (30)खौ गोब्राब थासारिखौ सोनाब बंगआव गाहामसिन



फाहामथायनि थाखाय एएस-16 एल 3154 नम्बरनि दैथायहरनो गोनां जायो। खौरां मोन्नाय बायदिल्ला, बेलासि समाव सानै लोगो मृणाल कुमार राय आरो समेन नाजार्निआ (□ 5 बिलाइआव)

सुजुगिरिनि खोलोम

गोजोन लाखिनाय

मुलुगआव गोजोन थासारि लुबैथै सुबुं नागिरनाई मोन्नाय नड। गोजोन थासारि गैयाब्ला मा थासारि फैयो आरो गोसो मेलेमाव मा रोखोम सान्नाय-गिनाय फैयो बेफोरखौ सानसे नड सानसे हमदांबोनो हानायनि थाखायनो सुबुंफोरा गोजोन थासारिखौ हास्थायो। थानाय गोलाव बोसोर नाडै जॉनि थामोन्था रैखा खालामानाई लाखिनो सोमावसारनायनि बाइदिसिना जाहोन-बिजाहोननि थाखाय जॉनि हालामनि राइजो-राजा सुबुंफोरा गुबुन गुबुन बिथिनिफ्राय फेनाय जेनानि थाखाय गोजोन थासारियाव जिउ खुंनयनि सम दिहुनो हायाखैमोन। बिब्दि हाल-सालजो गोलाव सम बारहोनानै फेनानायनि उनाव गोजोन थासारिखौ बोजबनानै लानो सम मोन्नायाव सुबुंफोरा गिनाय गैयालासेनो उदां गोसोयै हाबा मावनो सम मोनफेदो। आबाद मावनयनिफ्राय लानानै फिसा-फिसौ फालांगि खालामानाई आर्जिनयनि लामा मोन्नायजो लोगोसे थानानै थानायनि रहा नागिरनो हानायखौबो नुनो मोन्नाय जादो। नाथायबा थानानै थानायनि लामा होसोनायाव जाफुनाय-जाफुडैया सुबुंफोरनि सायावसो सोनारनायखौबो जॉ नुनो मोनो। थानाय माखासे बोसोरनि उननिफ्राय जॉनि हालामजो लोगोसे जॉनि हालामजो नांजाबनानै थानाय ओन्सोलफोराव सुबुंफोरा गिनाडै थासारियाव फेनायखौ नुनो मोन्नाय जादो। बेयो सोरबा सासे सुबुंनिल' बुंनय बाश्रा नड। गिनाडै थासारि फेनायनि थाखायनो दिने जायगानि सुबुंफोराल' उदाडे गिदिनो हानाय जायखै, गासैबो थाखोन सुबुंफोरानो दाबसे जायगानिफ्राय गुबुन दाबसे जायगासिम थांलाय-फैलाय खालामानाई हाथाय-बाजार जानाय, बेफार-फालांगियाव नांथाबनाय सुबुंफोरखौ होंगो-दोंगो जानाय नुनो मोन्नाय जायो।

मोनसे समाव गिजाग्रा, मुगै जाग्रा आरो मुं सुजाग्रा हालामआ सम सम गोबानि थाखाय थुलुंगा होनायनि बाखायनो गोनां जानायबो नुनो मोन्नाय जायो। समाजआ मोजां-गात्रि मोनैखौबो लानानैसो दानाय जायो आरो बेनि बिजिरनायावबो मोजां-गात्रिनि बाश्राखौ लानानैसो थार बिजिरनायनि फिथायखौ दिहुनाय जायो। बे रोखोमैनो हालाम दरसे एबा ओन्सोल मोनसेयाव राइजो जानाय सुबुंफोरनि गेजेरावबो मोजां-गात्रि सान्नाय, बिजिरनाय थाया नड थानो हागौ। बिब्दियाव मोनफा-मोनै बुलाय-सोलाय, नांलाय-खमलायबो नुजानो हागौ। बिब्दि थासारिखौ दानि समाव सरसन्ना जाप्लायनाय जाथाय होन्नाने गोबाडनो बुंनो लायो। बिब्दि होन्नाने गोजोन सिमफायनो हाथावना समाज बेरेखा जाथायफोरा जाहाथे हालामाव फिन खर' दिखांनो खाबु मोना बेनि थाखाय खुंथाया गोखौ रहा लानांगोन लोगोसे ओन्सोलनि राइजो-राजा सुबुंफोराबो गोजोन हमथानानै लाखिनायाव सिगांबोनो हानांगोन, अब्लासो गोजोनाबो अरायथायै थागोन।

दिनेनि फान्जामुथि

राशि बाइदियै मुनि गिबि हांखो
मेष : अ ल बृष : ऊ ब (उ ए इ) मिथुन : क छ (ड घ)
कर्कट : ड ह सिंह : म ट कन्या : प ट (ण ष)
तुला : त र बृश्चिक : ब न धनु : ध भ (ढ़ फ)
मकर : ख ज कुम्भ : ग श (स) मीन : द च (ख ज झ)

मेष: दिनेनि दिनआव मोजां मुलाम्फा मोनो हागोन। फालांगिरि मावग्रानि थाखाय गाहाम सान।
बृष: देहा-सावस्त्रिआ मोजाडै थानाय नड। देहाखौ सांग्राडै लाखि।
मिथुन: जेबो जेना गैथै शान्तिथै थानो हागोन। गोजोनै सम बारहोनो हागोन। मोजां सान।
कर्कट: सान्नाय-हनाय थांखिफोर डड'बा फेलें थानो हागौ। जैरेबो सांग्रा जानांगोन।
सिंह: दिनेनि दिनआव रां खर'सा खालामानांगौआ बांगोन। आलासिफोर फैनो हागौ।
कन्या: देहायाव जोखोमफोर मोनबाय बायनो हागौ। सांग्रा जानानै थानांगोन।
तुला: सुथुर थानायफोर डड'बा जोबसांलांगोन। गोजोनै थानो हागोन। मोजां सम।
बृश्चिक: लोगोफोरनि सोमोन्दो थानाया गोर जागोन। फारफोमथिबो मोजां।
धनु: माबाफोर जेनायाव गोलेबायनो हागौ। गोजोन्नाय गैथैजो सम बार होनांगोन।
मकर: शुभ खामानि मावनो गोनां डड'बा मावनानै लानो हागोन। सान्नायफोर जाफुनो हागौ।
कुम्भ: लोमजानाय-साजानायजो देहाखौ लानानै शान्ति गैथै मोनगोन। गोसोखौ हमथानांगोन।
मीन: माबा मोनसे मुवा-बेसाद ख'हा जानो हागौ। गोसोखौ गोजोन मोन्नाय नड। गोसोखौ हमथा।

आमुल बेबीखौ नायहैनयनिफ्राय रजिरडयाव मोसा-गान्दाफोरखौ नायहैनो साबसिन मोनगोन सुबुंफोरा: गिबि मन्थि

माजुली, 17 एप्रिल: कंग्रेसनि दैदेनगिरि प्रियंका गान्धी बड्या आसामनि जरहाटआव रड स्व' खालामानयनि माखासे सम उनाव गिबि मन्थि हिमन्त बिश्व शर्माआ दाबि दैखांनो बुडोदि, बेयाव एसेल' सुबुंफोरा बाहागो लादो आरो बे रड स्व'निफ्राय काजिरड माहारियारि पार्कआव गान्दाखौ नायहैनया साबसिन जागोन। गान्धी नख'रनि सोद्रोमाफोरा फोसावदिं अभियाननि थाखाय नारसिनजानायसो होन्नाबो बुडो। बेनि अनगायै शर्माआ दाबि दैखाडोदि, प्रियंका गान्धीनि रड स्व'आव 2000-3000 सुबुंफोर बाहागो लाफेदो होन्ना खानानो मोनदो। बेयाव फेनायनिखुइ काजिरड पार्कआव थानानै मोसा, गान्दाफोरखौ नायहैनानैसो साबसिन मोनगोन। बिजेपिनि गोखौ दैदेनगिरि आरो गिबि मन्थि शर्माआ माजुलीआव मोनसे बिसायख'थि



अभियाननि उनाव खौरंगिरिफोरनो बिबुंथि होयो। बेयाव गिबि मन्थिआ दाय जाबसिन्ना बुडोदि, गान्धी नख'रखौ नायनानै मा मुलाम्फा दड? बिसोरो आमुल (फोसावदिं) अभियाननि थाखाय गावसोरखौ दिन्थियो। बेनिखायनो बिथामोनहा आमुल बेबी। आमुल बेबीखौ खेबसे नायहैनयनिखुइ काजिरडयाव गान्दा नायहैनया साबसिन। मख'जाथावदि, कंग्रेसनि गाहाइ नेहाथारि प्रियंका गान्धीआ जरहाटआव कंग्रेसनि बिजाथि गौरभ गौखौ हेफाजाब होनाई

छत्तिसगडआव रैखाथि हान्जानि इन्काउन्टरआव सा 29 नक्सालिफोरनि जिउ ख'हा



छत्तिसगड, 17 एप्रिल : छत्तिसगडआव नक्सालिफोरनि हेंथायै दासिमाव खालामानाय वयनिखुइ देरसिन नार्यबिजिरनायफोरनि गेजेराव कांकेर जिल्लानि हापाटला हाग्रायाव जवानफोरा सा 29 नक्सालिफोरखौ गावथारो। थानाय मंगलबारखालि बिएसएफ आरो डिस्ट्रिक्टरिजाभ गार्ड (डिआरजि) नि सा 1,000 निखुइ बांसिन जवानफोरा 50-60 नक्सालिफोरखौ हाग्रायाव बंखनानै बे अपारेशनखौ फिन्नाय होयो। थैनाय माखासे नक्सालिफोरखौ दासिमबो सिनायथिनो हायाखै। नाथाय जाथाय जानाय जायगानिफ्राय मोन्नाय हाथियारनिफ्राय मिबथिनो हायोदि, माखासे गेदेर नक्सालिफोरा थैबाय। थैनाय नक्सालिफोरनि गेजेराव बिसोरनि कामान्दर आरो 25 लाख रनि बान्था फोसावजानाय ललितयाबो दंफायो। आरोबाव सासे नक्सालि कामान्दर रजुआबो जिउ गोमाबाय। गावलायनाय समाव बिएसएफ इन्स्पेक्टरनि आइथिडव गुलि नाडो। फारसेथि डिआरजिन सानै जवानआबो जोखोम जायो। बिसोरसाथामखौ साबसिन फाहामथाइ होनो थाखाय उरां जाहाजजो रायपुरआव दैथाइहरनाय जायो। सुलुंनि बायदिल्ला बस्तरआव गिबि खोलोबनि लक सभा बिसायख' थि जानांगौ दड। बे इन्काउन्टरनि खौरं होनाई डिआरजि इन्टेलिजेन्स आलक कुमार सिंहआ फोसयोदि, गोबां साननिफ्रायनो नक्सालि कामान्दरनि इलेक्शनखौ लानानै कांकेरनि सिचबेशनखौ लानानै सेन्ट्रल कमिटी आरो साब जनेल कमिटीनि कामान्दरखौ मुभमेन्टनि खौरं मोन्नाय जादो। बनि थाखाय पुलिस आरो बिएसएफ अपारेशननि थियारि खालामासिनो दडमोन। बेनि गेजेरजो दिने अपारेशननि थांखि लायो आरो बिएसएफ अपारेशननि थियारि खालामासिनो दडमोन। बेबायदिनो गोबां अन्जिमाजो मोन 185 नि मोनसे जायगा आरो गासै 200 नि खाथि मोनसे जायगायाव नक्सालिखौ अपारेट खालामानया सोलिगासिनो दडमोन। बेयाव शंकर रव आरो गुबुन गागि सेन्ट्रल कामान्दर रामबेदआबो दंफायो होन्ना खौरं मोन्नाय जादो। बिएसएफ कामान्दर प्लाटुन, जाय सान्जानिफ्राय नक्सालिफोरखौ

फेदोमोन। बे गावलायनाया और्बायदि समाव जायो, जेव्हा बस्तरआव गिबि खोलोबनि बिसायख'थिया फे गौ 19 एप्रिलआव जानांगौ। सुलुंनव फोरमायनाय बायदिल्ला थानाय 14 एप्रिलखालि राजनान्दगावआव जानाय बिसायख'थियारि गोमानि समाव मिरुआरि नख'र मन्थि अमित शाहआ मिरुनि खुंथायाव थामथि खेब सरकार जायोब्ला छत्तिसगडखौ नक्सालिफोरनिफ्राय उदां खालामागोन होन्ना समायखिरा लादोमोन।

AFFIDAVIT

I, DANDARAM NARZARY, aged about 83 years, S/O. Late Lakiram Narzary, by nationality Indian, a permanent resident of Vill.- East Bhumka, P.O.- Bishmuri, P.S. & Dist- Kokrajhar, BTR, Assam, PIN-783346, do hereby solemnly affirm and declare as follows:-

- 1. That, I am a citizen of India by birth and permanent resident of above noted address.
2. That, my actual/correct name is DANDARAM NARZARY, which is recorded in my AADHAAR Card, vide No. 659470449116, PAN Card vide No. BIRPN0258H and other relevant documents.
3. That, in the land document, covered by Dag No. 36 and Patta No. 121, situated at Vill- Guabari under Kokrajhar Revenue Circle, wherein my name has been recorded as BAMACHARAN NARZARY instead of DANDARAM NARZARY.
4. That, I do hereby declare that DANDARAM NARZARY and BAMACHARAN NARZARY is the same and one identical person who is none other but myself.
5. That, this declaration is sworn by me as a piece of documentary evidence for avoiding any confusion as well as rectification/correction regarding my name and to submit it before the concerning authority of Kokrajhar Revenue Circle for doing needful purpose.

The above statements are true to the best of my knowledge, belief and information and nothing has been concealed therein.

AFFIDAVIT

I, ABINASH BASUMATARY, aged about 49 years, S/O.- Late Kameswar Basumatary, a permanent resident of Vill.- Diajahijari, P.O.- Haltugaon, P.S. & Dist.- Kokrajhar, (Assam), PIN-783370, do hereby solemnly affirm and declare as follows:-

- 1. That, I am the bona-fide citizen of India by birth and a permanent resident of above noted address.
2. That, my deceased father's actual/correct name is "KAMESWAR BASUMATARY", which is recorded in my father's Death certificate vide Registration No.D-2020: 18-00040-000240, date of issue 03/01/2023 issued by Registrar Birth & Deaths I/C, Balajan Block. P.H.C. Dist-Kokrajhar B.T.R. (Assam) and Periodic Khiraj Patta, by covered by vide Dag No. 60, Patta No. 43, situated at Village- Diajahijari under Kokrajhar Revenue Circle, District.- Kokrajhar, BTR, Assam, other relevant documents.
3. That in the Land record, Chita for Surveyed Village, Assam Schedule XXXVII, From No. 30, covered by vide Dag No. 43., situated at Village-Diajahijari under Kokrajhar revenue Circle, District.- Kokrajhar, BTR, Assam, wherein my Deceased father's name has been recorded as "KAMLESWAR BASUMATARY", in place of "KAMESWAR BASUMATARY".
4. That, I do hereby declare that "KAMESWAR BASUMATARY" and "KAMLESWAR BASUMATARY", is the same and one identical person who is none other but my deceased father.
5. That, this declaration is sworn by me as a piece of evidence as stated above to submit before the Concerned authority for avoiding any confusion re regarding my deceased father's name and for doing needful act accordingly.

The above statements are true to the best of my knowledge, belief and information and nothing has been concealed therein.

तामिलनाडुआव सुबुंफोरा द्राबिड पार्टीखौ गात्रि मोनबाय: जेपि नडु

चेन्नाइ, 17 एप्रिल: भारतीय जनता पार्टी (बिजेपि) नि माहारियारि आफादगिरि जेपि नडुआ बुंदोदि, तामिलनाडुनि सुबुंफोरा द्राबिड पार्टीखौ आंगायनाय मोनबाय आरो बिसोरो सोलायनायखौ हास्थायबाय। मंगलबारखालि तामिलनाडुनि बारग' गिबि मन्थि



अ पन्निस्सेल्भम(अपिएस) नि जानानै परमकुडीआव मोनसे रेलि हाबाफारिआव नडुआ बाहागो लानानै बिबुंथि होदो। बेयावबो बै बाश्राखौ बुडो आरो लकसभा बिसायख'थिनि उनाव बिजेपिआ देरहासार जानानै बेयाव फे गोन होन्नानैबो फोथायनाय होयो। सिगां फारसे बिथाड बुंवावोदि, द्राबिड पार्टीफोरनो भट होग्रा सुफिंफोरा थानाय 50 बोसोरफोराव तामिलनाडुआव गेनाखान्थि

आरो गुबुंले सरकारजो जेनायाव गोलैनांदो। हादरआ मोनप्रमेमबो बिथिडवनो आवगायलांबाय। मिरु सरकारनि यजनाआ भारतयारि रांखान्थि राहाखौ मुलुगनां थाखोआव जौसिन 3 थि जायगायाव लानायनि आरो बेखौ गाहाइ मन्थि मदिआ मावफुनो हागोन। जानो गोनां लकसभा बिसायख'थियाव बिजेपि आरो बनि हेफाजाबगिरिफोरनि थाखाय 400 नि बांसिन मासिफोराव देरहानायनि थांखि लानाया 4

इसरनि गाहाइ समनाथआ भारतनि अखांमा थांखिखौ रोखायै मिबथि होदो



गोदान दिल्ली, 17 एप्रिल: भारतयारि अखांमा संदानग्रा आफाद (इसर') नि आफादगिरि एस समनाथआ मंगलबारखालि फोसावदोदि, 2030 सिमआव दाखो एबा मैला गैथै अखां (स्पेस) खौ मोनफुनायनि भारतआ थांखि

खालामनो सानो होन्नानैबो बिथाड बुडो। फेनो गोनां सानफोराव बेनि सायाव सावरयनो आरो दान्थे-बिदान्थे जानो हागौ। समनाथआ बुंदोदि, बे बिथांखिनि थांखिया 2030 सिमआव सरकारि आरो सरकारि नडेजो लोगोसे गासैबो भारतयारि अखांमा बिजोफोरनि गेजेरजो मैला गैथै अखांमा मिसनखौ मोनफुनाय। आथिखालाव जॉनि अर्बिटआव 54 अखांमा यान दड, लोगोसेनो खामानियाव गैथै मुवाफोरबो दड। बै फोर मुवाफोरखौ मोनसे रेखाथि गोनां जायगाफोराव लाबोनाया बै मख'जाथाव आयदाफोरनि गेजेराव मोनसे, जायनि सायाव गावसोर नायबिजिरसडो। बेजो लोगोसेनो समनाथआ बुंवावोदि, इसर'आ बेखौबो रोखा कालामनो सानोदि, इयुनआव बनि दैथायहरनाय गासैबो अखांमा थाननि थाखाय बेखौ रोखा खालामानायनि थाखाय नायसंनगोनदि, बेफोरो खामानि मावनयनि उनाव अर्बिटनिफ्राय बाइजोआव ओंखारो आरो बेखौ रेखाथि जायगाफोराव बो लाबोनांगोन।

गोलोम बोथोदिनि जट'खा रेल गारिनि हान्था-मैला

Table with 2 columns: रेल नं. 06521/22 एसाएनगिरि बेंगलुरु-गुवाहाटी-एसाएनगिरि बेंगलुरु (मंगलवार) and रेल नं. 06522 गुवाहाटीनिफ्राय (20-04-2024 निफ्राय 29-06-2024) रिस = 11 टिप्स (शनिवार)

Table with 4 columns: हावकैनाय, हगानाय, स्टेशन, हावकैनाय, हगानाय. Rows include 03.30, 06.50, 19.55, 00.53 (Friday), 02.35, 04.50.

कम्पिसिन: चेयार कार- (थाम), सरसन्ना नैथि थाखो (जिबा), एसएलआर/डि- (नै)= 20 कच
गुबुन गुबुन फालांगियायि स्ट्रेपेजफोर: कृष्णजपुर, बंगारपेट, जलापेटाइ, रेंगिगुन जंसन, गुडर जंसन, अंगल, भिजयवारा जंसन, राजमुनि, दुव्याड, सिंहावलम नर्थ, कट्टनवालसा, भिजयनगरम जंसन, श्रीकाकुलम रड, पलासा, ब्रह्मपुर, कुदो रड जंसन, भुबनेश्वर, कटक, भद्रक, बालासर, दानकुनी, बलपुर, एस निकटन, रामपुर हाट, निउ फरक्का जंसन, मालदा टाउन, वासई जंसन, किशनगन्ज, जलपाइगुरि रड, धुवगुरि, निउ कचबिहार, निउ आलिपुरदुवार, कक्राझार, बरयेय रड आरो कामाख्या।

खरगपुर जानावो रेल नं. 08351/52 सन्बलपुर-गुवाहाटी-सन्बलपुर गोलोमबोथोदिनि जट'खा रेल

Table with 2 columns: रेल नं. 08351 सन्बलपुरनिफ्राय (22-04-2024 निफ्राय 24-06-2024) रिस = 10 टिप्स (समवार) and रेल नं. 08352 गुवाहाटीनिफ्राय (24-04-2024 निफ्राय 26-06-2024) रिस = 10 टिप्स (बुधवार)

Table with 4 columns: हावकैनाय, हगानाय, स्टेशन, हावकैनाय, हगानाय. Rows include 04.30, 13.00, 17.00, 21.00, 01.20 (बुधवार).

कम्पिसिन: एस-3 टोयार (से), श्लीपार थाखो- (जिबा) सरसन्ना मासि थाखो (बै), लागेज भेन (से), एलएसएलआर/डि- (से) = 22 कच
गुबुन गुबुन फालांगियायि स्ट्रेपेजफोर: केरेजंगा, अंगुल, डेंकनाल, कपिलास रड, जाजपुर के रड, भद्रक, बालासर, अन्दुल, भद्रनगर, दानकुनी, रामपुर हाट, किशनगन्ज, निउ कचबिहार, निउ आलिपुरदुवार आरो कामाख्या जंसन।
जेनेरेल मेनाजार (अपारेट) सा-सान्ना सिमना रेलवे
"मिस्त्रिनायजो वाटकफेखो सिबियाय होनाय"

## गाहाइ मन्थि मदिआ नलबारियाव '4 जुन 400 पार' होन्ना स्ल 'गान होदों

गोदान दिल्ली, 17 एप्रिल : लक सभा बिसायख 'थि 2024 नि थाखाय गाहाइ मन्थि नरेन्द्र मदिआ आसामनि नलबारियाव मोनसे सुबुं गौमायाव बिबुंथि लाखियो, जेराव बिथाड '4 जुन 400 पार स्ल 'गान होयो। जानो गोनां लक सभा बिसायख 'थिखौ लानानै रइज्योनाडै गुबुन-गुबुन राजखान्थि दोलोफोरा गावबा गावनि बिजाथिनि जानानै फोसावदि खालामनायखौ नुनो मोनगासिनो। बिबिन्दो मिरु खुंथायाव थानाय बिजेपियाबो गुबुन गुबुन राइज्योफोराव खालामदों। गाहाइ मन्थिनाय नलबाइदि जथुमायाव बिबुंथि लाखिनाय समाव गोखों रावजों बुंवावोदि, 2014 आव मदिआ



आसा जानानै फेदोंमोन आरो 2019 आव फोथानाय जानानै फेदों। बेनिफ्राय 2024 आव गेरेन्थि जानानै फेदों। मदिनि गेरेन्थिनि ओंथिया गेरेन्थिनि गेरेन्थि। बिथाड गावनि बिबुंथिखौ जागानायाव बुडोदि, दिने रामनबमीनि जारिमिनारि खाबु। गोलाव सम 500 बोसोर

नेनानै थानायनि उनाव भगवान रामआ गावनि गेदेर मन्दिआव जिरायनो मोनबाय। हादतआव फेगौ 4 जुनआव बिसायख 'थिनि फिथाइया मा जागोन बेखौ रेखायैनो नुहुनो हादों। बेनिखानयो सुबुंफोर 4 जुन, 400 बारलांगोन आरो फिन खेबसेवाव मदि सरकार होनानै बुंदों।

## आम आदमी पार्टीआ आपका राम राइज्यो बेवसाइट लन्च खालामदों

गोदान दिल्ली, 17 एप्रिल: आम आदमी पार्टीआ लकसभा बिसायख 'थिनि थाखाय गावनि वेबसाइट "आपका रामराइज्यो" खौ लन्च खालामबाय। बेनि सिगां आपआ "संसद मे भी केजरीवाल तो दिल्ली हगी खुशहाल" केम्पेनखौ लन्च खालामदोंमोन। नाथाय अरबिन्द केजरीवालआ जेलआव लांजानायनि उनाव बेयो जोबथायो। उनाव पार्टीआ गुबुन केम्पेन लन्च खालामो। बेनो जादों 'जेल का जबाब भट से' आरो दासिमबो बे के म्पेनआ सोलिगासिनो। बे खाबुआव आपनि एमपि सन्जय सिंआ बुडोदि, रावबो सानसयाखेमोनदि, मोब्लिबखौ बेसेन होनाडे एबा प्रिआव होनो हागौ। उदांसिनि उनाव बेसेन होनाडे मोब्लिब यजना, बेसेन होनाडे दै यजना आरो भारा होनाडे बास दावबायनाय यजना लाबोरा बेनो गिबिसिन सरकासोन। दिल्लीआ



मुलाम्फा गोनां बाजेट लानानै फेरा दरसेल' राइज्यो। जों राम राइज्योनि गावनि सान्दाथिखौ मोमथां महर होनायनि थाखाय जिउयै-माहामै मावफु'गोन होन्नाबो बिथाडा बुडो। 'आपका राम राइज्यो' केम्पेन लन्च खालामनाय खाबुआव दिल्ली सरकारनि सासे मन्थि आतिशी सिंआ बुडोदि, खुकुल आसा-खान्थिया जेब्लायबो सोलिबोदों। जिउ जोबनानै

थानाबो रादाय फेलें जालानाड। भगवान रामआ राम राइज्योनि थाखाय गोबां नाजानांदों आरो दुखु-दाहा सहायनांदोंमोन। 14 बोसोर भनबासआव थानांदोंमोन। केजरीवालआ गावनि रादाय होनायखौ फुरा खालामनो थाखाय जुजिनदों। नाथाय बेनि उनाव बिथां आरो बिथांनि पार्टीआ दिल्लीनि नोगोरारिफोनो होनाय रादायखौ मावफु'नो हाबा मावगासिनो। बिथाड जेलआव

गजियाबाद, 17 एप्रिल : उत्तर प्रदेशनि गजियाबादआव कं ग्रे सनि दैदेनगिरि राहुल गान्धी आरो समाजवादि पार्टीनि गाहाइ आखिलेश यादवआ जुथाइ प्रेस कन्फ्रेन्स खालामो। बिथांमोनहा गिबियावनो रामनबमीनि गहाम हामब्लाइथि होयो। बेनि उनाव गावसिनि बाश्राखौ जागायो आरो बिजेपिनि सायाव गोखों रावजों थांखियो। आखिलेशआ बुंदोंदि, जाय सोनाबथिनिफ्राय बार बारदों, बेयो गासै हादतआवनो गोसारलांदों। सोनाब उत्तर प्रदेशआव गिबि खोलोबनि बिसायख 'थि खुं'नायनि सिगां सानैबो दै दे न गि र फे र। गजियाबादनिफ्राय कंग्रेसनि बिजाथि डली शर्मानि जानानै



एबा बिथांखौ हेफाजाब खालामनानै खौरांगिरि मेल खालामदों। मख 'जाथावदि, 2019 आव डली शर्मानो कंग्रेस पार्टीया बे बियाबनिफ्रायनो टिकेट होदोंमोन अब्ला बिथाड 1 लाखनि साखाथियाव भट मोन्दोंमोन। आखिलेश यादवआ बुंदोंदि, आथिखालाव आबादारिफोर दुखु जानानै दड, भारतीय जनता पार्टीनि

मोनफ्रोमबो बाश्राया नंखाय आरो जाय सिमांखौ नुहोदों। बेखौबो आस 'खान्दा खालामदों। इन्डिया जुथाइ पार्टीया सरकार दागोन होना बिथाड आसा खालामदों। डली शर्माया बिजेपिनि अतुल गार्गजों मोगा-मोगि जागोन। अतुल शर्माया गजियाबादनिफ्राय बिजेपिनि एमएलए आरो बिथाड आगुनि

केबिनेट मन्थिबोमोन। 2019 आव बिजेपिनि जेरेनेल भि. के. सिंहआ गासै 7,48,000 भटजों गजियाबादआव देरहासार जादोंमोन। राहुल गान्धीया बुंदोंदि, फारसेथि राष्ट्रीय स्वयं सेबक संघ आरो बिजेपिया सुबुं'खान्थिखौ फोजेबसनांनो नाजागासिनो। गुबुन फारसेथि' कंग्रेसया संबिजिरखौ रेखा खालामनो

नाजागासिनो। आयगाफोरनि बागौ गाहाइ मन्थि आरो बिजेपियाबो जेबो गुमुर गोनां बाश्राखौ सावरायाखै। जानो गोनां बिसायख 'थियाव बिजाबफोरनि अन्जिमाखौ लानानै राहुल गान्धीयाव बुंदोंदि, सिगाडव बिथाड सान्दोंमोनदि, बिजेपिया 180 मासिफोरखौ देरहागोन, नाथाय बिजेपिया 150 मासिआवल' देरहागोन। दरफ्रोमबो राइज्योनिफ्राय रिपर्ट मोन्दोंमोन गावसोर मोजां खालाम गासिनो दड। उत्तर प्रदेशआव गावसिनि जुथाइ हान्जाया जोबोद गोखों जाबाय आरो मोजां खामानि मावलांगोन। राहुल गान्धीया बुडोदि, पिपेमआ गावनि इन्टारिभउआव इलेक्ट्रीरल बान्डखौ बुजिनो नाजादोंदि, ट्रान्सपेरसी लाबोनो थाखाय मा खालामदों, नाथाय जुदि बिबिन्दोब्ला बिथांनि मुंखौ मानो दोनखोमायामोन।

## बिसायख 'थि आयगआ बिआरएस गाहाइ केसिआरनो नटिस फोसावदों

गोदान दिल्ली, 17 एप्रिल : बिसायख 'थि आयगआ बुधबारखालि मोनसे प्रेस कन्फ्रेन्सआव कंग्रेस पार्टीनि थाखाय लाजिनांथाव बिबुंथि होनायनि सायाव भारत राष्ट्र कमिटीनि आफादगिरि आरो तेलेंगानाणि आगुनि गाहाइ मन्थि के चन्द्र सेखर रावनो नटिस फोसावो। कंग्रेस बिथोनगिरि जि. निरन्जननि अजद दैखानायनि सायाव नायबिजिरनानै बिसायख 'थि आयगआ बुडोदि, केसिआरआ थानाय 5 एप्रिलआव थाने 'नाय गैया जासे गावनि प्रेस जथुमायाव कंग्रेस पार्टीखौ सोंखारिनानै आदर्श नेमखाथिखौ सिमफायदोंमोन। केसिआरआ बिनि बिबुंथिखौ लानानै माखासे सोंथि आरो बिथोन फोसावखांबाय होन्ना आयगआ बुंदों। नर्टइस्टनि बायदिब्ला आयगआ थानाय 6 एप्रिलआव तेलेंगाना राइज्यो कंग्रेस कमिटीनि गागि लेडइ आफादगिरि जि.



निरन्जननिफ्राय मोनसे अजद मोनो, जेराव बेबायदि दाय जाबसिन्नाय जायोदि, के चन्द्र सेखर रावआ हसिखावनानै गावनि प्रेस बिबुंथियाव कंग्रेस पार्टीनि हेंथायै लाजिनांथाव बिबुंथि होदों होन्ना दाय जाबसिन्दोंमोन। बिसायख 'थि आयगआ केसि आरखौ 18 एप्रिलआव फुंनि 11 रिंगासिमाव गावसोरनि बिबुंथिनि सोमोन्दैयै रोखा बाश्रा बुडो। बिसायख 'थियारि

आफादआवो बे बाश्राखौ बुडोदि, थिखानाय समनि गेजेराव बिनि फारसेनिफ्राय जेबो फिनजाथाइ मोनैयाव बिसायख 'थि आयगआ गाहामै नायबिजिरगोन। बेनि गेजेरजों बिसायख 'थि आयगआ थानाय मंगलबारखालि लक सभानि सरासन्सा बिसायख 'थिखौ फोसावनायजों लोगोसे थानाय 16 मार्चनिफ्राय एमसिसि फोसावनायनि उननिफ्राय

बिसायख 'थियारि आफादनि गेजेरजों खालामनाय नायबिजिरनायफोरखौ फारिलाइ खालामो। बिसायख 'थि आयगआ फोरमायनाय बायदिब्ला, गासै अजद दैखानाफोरनि गेजेराव मोन 51 आ भारतीय जनता पार्टीनिफ्रायमोन। जायफोरनि गेजेराव 38 केसफोरव हियारि जाबाय। बेराफारसे मोन 59 आ कंग्रेसनिमोन, जायफोरनि गेजेराव मोन 51 केसफोरव हियारि जाबाय।

## भारतजों ब्रिटेननि फालांगियारि रादाय खानाय हाबाफारिया सोलिलांबाय थागोन

गोदान दिल्ली, 17 एप्रिल : ब्रिटेन सरकारनि फारसेनिफ्राय थानाय मंगलबारखालि बुडोदि, बिसेर भारतजों लोगोसे मोनसे मख 'जाथाव फालांगियारि रादाय खानायनि फारसे खामानि मावनायखौ सोलिहोलांबाय थागोन। भारतनि सावरायगिरिफोरनि मोनसे हान्जाया बे सप्ताहयाव लन्डनआव ब्रिटिसनि गावसोरजों समान बिबानगिरिफोरजों लोगोसे सावरायनायखौ जागायो। फालांगियारि बिफान (डिबिटि) आ मोनसे प्रि फालांगि रादाय (एफटिए) नि सायाव मुंसाइनायनि फारसे ब्रिटिस सुबुंफोर आरो रांखान्थियारि बेब'स्थानि फारसे बाहागो लादों। थानाय दानाव डिबिटि बिबानगिरिफोरा इसारा होदोंमोनदि, भारतनि खोलोब बायदिथै सरासन्सा बिसायख 'थिनि समाव खावसे महरै फालांगियारि सावरायनायखौ दोन्थ 'नाय जादोंमोन। आथिखालाव फेगौ 4 जुनआव बिसायख 'थिनि फिथाइ फोसावजासिमाव माखासे सावरायनाया सोलिबाय थानो हागौ होन्ना मिजिं थिदोंमोन। मंगलबारखालि ब्रिटेननि बिबानगिरिफोर बुडोदि, थानाय जानुवारी दानाव जागायनाय सावरायनायनि 14 थि खोलोबनि सावरायनायखौ सोलिहोलांबाय



थानो थाखाय बे सप्ताहयाव लन्डनआव सावरायनाया जागायफिनबाय। डिबिटिनि बुंथिगिरिया बेनि सोमोन्दैयै ब्रिटेन आरो भारतआ मोनसे मख 'जाथाव फालांगियारि रादायनि फारसे रादायखौ सोलिहोलांबाय थागोन, जाय दरनै हादतफोरनि थाखाय खामानि मावगोन। थानाय दानाव भारत सरकारनि फारसेनिफ्राय दरबै इउरपीय हादतफोर (नर्वे, आइसलैन्ड, सुइडजारलेन्ड आरो लिक्टेन्सटिन) नि हान्जा

इफटिएनि गेजेरजों प्रि फालांगि रादाय खायो। बे एफटिएनि गेजेरजों बे दरबै हादतफोरा गोरोबलायनानै फेगौ 15 बोसोरनि गेजेराव 100 आर'ब डलारनि भारतआव इन्भेस्टमेन्ट खालामगोन। बेराफारसे भारतआ बे हादतफोरनिफ्राय फेनो गोनां माखासे मुवाफोरनि सायाव लाबोनायनि टेक्सडौ खावसे एबा आबुडै बोखारना होदोंमोन। भारतनि फारसेनिफ्राय मरिशियास, इउएइ आरो अस्ट्रेलियाजों लोगोसे सिगाडवनो प्रि फालांगि रादाय खाखांबाय।

गोदान दिल्ली, 17 एप्रिल: दिल्लीनि इन्दिआ गान्धी गेजेर हायुडारि उरां गाथोनखौ 2023 माइथायनि थाखाय मुलुगनि गं 10 बयनिखुइबो मुखुबसिन उदां गाथोनफोरनि फारिलाइआव थिसनफादों। बे फारिलाइआव हाटसफिल्ड जेक्सन आटलान्ट इन्टारनेसनेल उरां गाथोनआ जौसिनआव दड। उरां गाथोन क 1 उ फि स ल इन्टारनेसनेल (एसिआइ) वर्ल्डनि बादिब्ला, दिल्ली उरां गाथोनआ 10 थिआव जायगा आवगिदों। बेराफारसे दुबाइ आरो डालास उरां गाथोनआ फारियै नैथि आरो थामथि मासिआव दड। एसिआइआ



समबारखालि बे फारिलाइखौ फोसावनानै बुडोदि, 2023 नि थाखाय मुलुगनि गासै दावबायारिफोरा 8.5 आरब (850 कौटि) नि खाथियाव सौहैदों आरो 2022 निफ्राय

27.2 जौखोन्दो बांसिन। एसिआइआ बुंवावोदि, जर्'खा महरै इन्टारनेसनेल ट्राफिक रिकभारि जमेस्टिक ट्राफिकनि साखाथिसिम सौहैदों, जाय इन्डास्ट्री

जौगानाय आरो गुवार अरलानायखौ बांहोनायाव बेनि मख 'जाथाव बिफावखौ बांसिन नोजोर होयो। टप-10 बयनिखुइबो मुखुबसिन उरां गाथोनफोरनि

फारिलाइआव 5 थिआव दड आमेरिकानि उरां गाथोन। अदेबानि दिल्ली उरां गाथोनआ 10 थिआव दडआरो 2023 आव 7.22 कौटिनि बांसिन दावबायारिफोरखौ नुनो मोन्दोंमोन। बे उरां गाथोनआ 2022 आव 9 थि मासिआव जायगा आवगिदोंमोन। बे फारिलाइआव लन्डननि हीथ्र उरां गाथोनआ ब्रैथि, टकियनि हानेडा उरां गाथोनआ बाथि, डेनभर इन्टारनेसनेल उरां गाथोनआ ड'थि, इस्तानबुल उरां गाथोनआ 7 थि, लस एन्जल्स इन्टारनेसनेल उरां गाथोनआ 8 थि आरो शिकाग 'नि अहेयार इन्टारनेसनेलआ 9 थिआव दड।

## भारतनि सुबुं अन्जिमाया 144 कौटि सिम सौहैबाय

गोदान दिल्ली, 17 एप्रिल : रिपर्टआव फोरमायनाय बायदिब्ला, हौवाफोरनि थानानै थानायनि आयुआ 71 आरो आइजोफोरनि आयुआ 74 बोसोर। बेनि अनगायै रिपर्टआव बुंवावदोंदि, 30 बोसोराव आथोनारि आरो सावस्त्रियाव जाय जौगाखानाया जायो बेयाव मुलुगनाडै नि बयनिखुइ

गोर्लैसिन्नाय हारिफोरखौ बांसिन नोजोर लाखिनाय जाया। इउएनएफपिनि मोनसे रिपर्टनि बायदिब्ला भारतनि सुबुं अन्जिमाया 144 कौटिसिम सौहैबाय, जेराव 0-14 बोसोर बैसोनि 24 जौखोन्दो दड। थानाय 2011 आव सान्नाय सुबुं अन्जिमानि बायदिब्ला, भारतनि सुबुं अन्जिमाया 121 कौटिमोन।



रिपर्टनि बायदिब्ला भारतनि सुबुं अन्जिमायाव 10-19

बोसोर बैसोनि सुबुंफोरा 17 जौखोन्दो। भारतनि सुबुं

अन्जिमायाव 10-24 बोसोर बैसोनि 68 जौखोन्दो आरो 65 आरो बेनिखुइ बांसिन बैसोनि 7 जौखोन्दो सुबुंफोरा दंफायो। बेनि अनगायै भारतआव थानाय 2006 निफ्राय 2023 नि गेजेराव उन्दै समाव जुलि जानायनि जौखोन्दोया 23 मोन। भारतआव डिलिभारिनि समाव थैनायफोराव

दावखलायनायखौ नुनो मोन्दों। पिप्लएएस ग्लबेल पब्लिक हेल्थनि रिपर्टआव फोरमायदोंदि, मोन 640 जिल्लाफोराव डिलिभारिनि समाव थैनायफोरनि जौखोन्दोआव 100,000 गोथाडै जोनोम होनायफोरनि गेजेराव 70निखुइबो खम। बेराफारसे 114 जिल्लाफोरव

बे हमदानाया 210निखुइ बांसिन। बे रिपर्टआव फोरमायवावनाय जादोंदि, बेंगुरि आइजो आरो हिन्जावसाफोर, रिफुजिफोर, हारियारि बाडइ सुबुं सानखो, गे फोलेरिनि सुबुंफोर, एडचआइभिजों भुगिनांनाय आरो गोर्लैसोना थानाय हारिफोर बांसिनै आथोनारि आरो जोनोम होनायनि अलखदजों मोगा-मोगि जानाडो।

## ओरैबायदि द्विप जेराव उरां खारग्रा रावनेया सानआवनो गोमायो

मुलुगआ जोबोद गिदिर आरो बेयावनि मोनफ्रोमबो खनायानो गावनि आलादा गुन दड। माखासे जायगाफोरव सबसिन हामसिन दावबायग्रा जायगाफोर आरो नायहैथाव थाखुलि दड। फारसेथिं बबेबा जायगाया एडभेन्सरनि थाखायल' दावबायथाव आरो बबेबाबा अखां नाहैनाय हाजोनि थाखाय मुदांखा। नाथाय मिथिंगानि थासारिफोरनि जाहोनाव दासिमबो गोबां माखासे जायगा दड, जेराव सुबुंफोरा गोरलैयै सौहैनो हाया। स्कलेन्डनि साखाथियाव बिब्दिनो मोनसे द्विप दड, जेराव मोनसे जोबोद सोमोनांथाव उरां गाथोन दड। बेनि गुण एबा मख'जाथाव बाथ्राया जादों, बे उरां गाथोननि रानवेया सानसेनि जायखि जाया समावनो गोमानानै थायो। डेलि स्टारनि रिपर्टनि बायदिल्ला, स्क टलेन्डनि आउटार हब्राइडसआव बार मुनि मोनसे द्विप दड। बे जायगाया गावनि समायना नुथाइ आरो बालाबारि (बिच) नि थाखाय



मिबथिसारजानाय बेफोरनि अनगायै गुबुन मोनसेबाव जर'खा गुणनि थाखाय बे द्विपआ मुदांखा। बेयाव थानाय उरां गाथोननि रानवेया सानफ्रोमबो गोमालाडो आरो उनाव जाखांफिनो। बिब्दि जानायनि आन्दोआव जेबो गिथावना एबा भुत फेटानि सल' गैया। बे उरां गाथोननि रानवेया बाला बारिनि गेजेराव बानायजानायनि थाखायनो बिब्दि जायो कुकील

स्ट्रेन्डआव बिच बेस्ड लेन्डि स्ट्रुप बानायनाय दड। उरांफोरा बेयावनो थोंजों बागलायहैयो। जेब्ला लैथोमानि गुथालआ गोजौ-गोजौसिन आरो गोख्रैसिन फैयो अब्ला रानवेया आबुडै गोमालाडो। बेनि ओथिया जादों गुथाल फैनायनि बालाफोरजों रानवेआ खोबजायो। अब्लाबो बेयाव गिख्र'थाव खैफोदनि गेजेरावबो उरांफोरा बागलायो सानफ्रोमबो आरो

बिस्खाडो। अदेबानि समखों जर'खायै नोजोर होनांगौ जायो। जाय समाव लैथोमानि दैया उरां गाथोनाव बुखोफैया अब्ला बे समखों नोजोर होनायै उरांखों बागलाय होनांगौ। बेयाव बेआलादा उरां गाथोननि अनगायै गुवार आरो समायना बालाबारि, निजोम लैथोमानि दोहौनि सिखनाय सोदोब दड। बेनि जाहोनाव ब्रिटिस सुबुंफोरनि थाखाय बेयो मुदांखा टुरिस्ट डेस्टिनेशन □

## गोसोनि हास्थायनाय

सानदोंमोन आं नोंखों  
नैबे मुलुग संसाराव  
नों आंजों लोगोआव।  
नों दिनें फ्रनि नों दिनें....  
आंखों गोसोआव दावदाव दोनबाय  
गुबुनजों गोसो होनानै  
नाथाय... फ्रनि.....  
दाखालामसे नों आंखों गोदाव-सोराव  
आंखों नों गोसोआव दुखु होबाय...  
नाथाय फ्रनि आंनि गोसोआदि  
रावजोंबो गैया नोंनि अनगा.....  
हास्थायो गोसोआ नोंखौल'।  
नों सैया मालाय मा जानो  
फ्रनि.....  
नोंनि थाखायनो आंनि जोनोम  
बे मुलुग संसाराव.....।  
नोंखौल' हास्थायबाय थागोन  
गोबों बिखायाव....  
नोंखौल' नेनानै थागोन आं फ्रनि  
रुगुं गैया गोसोनि.....  
लांदां मन्दिर गुदियाव  
हाजासे नेनानै थाबाय थागोन  
नोंखौनो आं फ्रनि.....  
अराय समनि थाखाय  
नै बे मुलुग संसाराव।

श्री अनसाय बसुमतारी  
गामि- सामथायबारि ( आमगुरि )  
जिला- चिरां बिटिसि ( आसाम )।

## मोजोमसे अननाय

बुब्दिनि गुथालजों बोहैबोनाय  
बोथोरनि बै आइराखिआ लाबोयो  
अराय दुफानि जावलिया बारखों।  
दुफानि थिं थिं सान्दुआव गोजोन होनाय  
बिफां गुदिनि सायख्लुमाव  
खोलो खोलो बारनाय बारा  
मादि सानसि बेरखांहोयो गोसो गोबोंआव।  
दुफानि मोनथोरजों सान्ध्र हायै  
सुबुं जिउसाफोरा बोदोर जानाडो।  
थरेंनो बे बोथोरा सुबुंनि  
गोसो जिउआव बायदि गोहोम खोख्लैयो।  
बे बोथोरनि दोहौआनो लाबोदों दिनें  
बे मोजां मोन्नायखों मादि भावथिना।  
सान्ध्र हायै माया संसारनि  
जेंना-जेंगोनाफोरखों एंगार-एंगार  
सम नायगिर नायगिर  
गोसो खाडो आं नोंनि  
मोजोमसे अननायखों।

श्री तिकेन्द्रजित देवरी  
गामि- धावलि गुरि।

## अनसाय गोसो

बिब्दिनायि गेजेरजों मोजां गात्रि मावनानै  
अनसायनाय गोसोआ हास्थायो अरायबो गाहाम  
हगार सारबाय जों इं 2007 माइथायनि  
बोसोर गोजाम  
गुस्लायसुलि बे बाहायआरि मुगाआव  
अनसायनाय गोसोजों जुजिनो बायदि मिजिक  
थांखि लानानै।  
बरायनि जों 2008 इं मायथायनि बोसोर गोदान।  
गोसो गोथार अनसायनाय गोसोजों  
थांखि लाबाय।  
बुब्दि एबा समजों गोरोबना थांखिखों  
आगान सुरगोन  
नेनानै थाया जों रावनिबो लेहेम आखु,  
गिनाय लाजिनाय मुगैनाय गैयाजासे  
आबुथि गोनां आखुथायजों नाजादिनि।  
बोखांनो गोजौसिन मासि बर' बिमानि राव थुनलाइ  
जों फुजिनि गोसो गोथारै मिथिसार जानि बुहुमाव  
सोलोंगोन नों बर' बिमानि रावजों  
बेनो जाबाय जोंनि गोदौ गोथाव राव।  
अनसाय गोसो लाना अराय जुजिनो  
बे बाहायआरि मुगाआव  
बर' राव, गेवलां सारथों  
थुनलाइ बर' रावनि जों बर' हारि।  
जों सोलेंगोन-बिमानि रावजों  
गेवलांसारथों बर'नि राव थुनलाइ  
थांना थाथों बर' बिमानि राव।

श्री बिरखां बसुमतारी  
फरायसालि- गभ एडस एस एम पि  
स्कूल कक्राझार  
गामि- सा- बेरगाव  
ला:सो:- चरायकला  
जिला- कक्राझार बिटिसि ( आसाम )।

## अनजालु

अनजालु नोंनि महरा मानो  
एसे समायना..... ?  
बुंनो हाया मानो नोंनि महरखों ?  
रावजोंबो रुजु जाया मानो नोंनि  
महरा..... ?  
सोर बिमाया जोनोम होआ नोंखों  
अनजालु..... ?  
गाराड नोंनि बेसेबा गोदौ  
मिनियो नों बेसेबा समायना।  
दिहुनो नों रिजि हाथाय  
थाबायो नों देबलु देबला  
अनजालु मा एसे मुहिनी  
दं नोंनाव..... ?  
मोसायो नोंजों लोगोआव हान्जा  
सिखिरिया बाज्ल बाज्ल गां फुवारना ॥

मिस सानिया मोसाहरो  
फरायसालि- अलंबार गोजौ फरायसालि  
गामि- हलतुगाव।

## रंजालि गथ'फोरनि सौरा

### सनदेह'

सिगानिफ्रायनो समाजनि जेबो मावबोफेराखै  
दासिमबो मावनो गोसो जाया  
इयुनावबो मावनो थिरांथा गैया  
गोब्रामला बायनो मोजां मोनो  
बेनो आंनि हुदा जाखाबाय  
उदै बुगार बुगार जायो  
रोंगौथिबो गैखाया उदायरोंथि थाफला

बेनिखायनोथ' बुंदों सोलो गोरोंफोरा  
बिलाय बेसेथो गोरों मानसि ?

-सबिराम बर'  
राबां, बागसा

### सुबुंनि

बोथोरा सोलायलांबाय  
समफोरा बाबेनलांबाय  
अखांडाव जोमैफोरा बायदि बायदि महर सोलायलांबाय  
गोसोम जोमैफोरा साग्लोबफैबाय  
सार-अन्थायफोरा गिथाव बाथाव सोगोमखानानै थांबाय  
जाखिसे अखा दाम्नायाबो हानानै थांखांबाय  
हुरागासे बारमोदायाबो फैनायै सिलिं'खार  
खालामलांजोबाय  
बिमा बैसुमुथिनि हाखोंनो जावदों बेजोंनो गोदान गोदान  
बस्थिखोदों आरोबाव खोदों न'बथि लुदों  
गोजाम बस्थिफोरा मुगाजों लोगोसे हा सिडव हाबसो  
लांसिनदों  
फान्दायनाया फान्दायदों  
फोलानाया फोलादों  
फोथायखेबस'नि राजथिलिआव दिनें सुबुं माहारिया  
सोलायरोडखै।

-बनमालि दैमारि  
बेन्नाबारि, बागसा

## आननेसेसारि

फागुन दाननि अखा सान्दुखों  
सहायनो साननानै आं,  
लामानि फांसे गेरमसा  
फाखि बिफानि सायाआव  
जिरायनानै थानो साननायावनो  
दोंसे खन्थायासो गोबोंआव  
जाखां फैबाय।  
खन्थायखों सुजुनोना सुजुया  
गोनो गोथोयै ब्लाबो  
खलमखों आखायाव दैनानै  
गोसो गिलिरै, सा सान्जा  
बारनि दोहौजों बिलिरद्लाबाय,  
गुफुर लेखा बिलाइआव  
गोसोम दागो बोलांबाय  
खनसे फरायनानै नायब्ला  
नुबाय आननेसेसारि,।

ससिला ब्रह्म

## गोथै शह'

सोर जाखो नों ? बे लामायाव  
गोलैना थानाय निजोम दलर सोलेरा।  
सोर सुथुरा नोंखों सिथार लांखो ?  
मबे जमा नोंनि जीउखों लांखो ?  
रावबो नोंखों दिनें सिनाय लिया।  
रावबो नोंखों दिनें अनसायलिया  
दावखा-सिला, शियाल-शिगुनफोराबो  
नोंनि शह'खों मानोबा बोगार फैयाखैसै।  
जोहोलावमोन नामा नों सासे ?  
समाज सिबियारिमोन नामा नों सासे ?  
नोंनो मोन नामा बै बिग्रायारीया ?  
जानांबाय दिनें आलाइ-सिलाइ,  
सोर बिमाया नोंखों अनसाय बावनो,  
सोर बिफाया नोंखों खनखां बावनो  
सिखिरि मानसिया नारश्रेट-जोश्रोद मुगैलांबाय,  
लामानि गोथै लामायाव थानांबाय।  
रावबो नोंखों दिनें सिनायाखैसै,  
रावबो नोंखों दिनें मान होयाखैसै।  
सुबुं समाजआव मोनाखैसै नों थरथिसे अन्नाय,  
बुहुमाव मोनाखैसै दखरसे गोथैसालि  
आय' मा बरात स'ना नोंनि।

थरायना अल'खा ब्रह्म  
गामि- गमाबिल ( दत 'मा )।

### बर' हारिनि आंगो फोर्बो बैसागु

दाव खौवौनि गाबनायजों  
बोसोर गोदान सफैलायबाय  
बार-दै-सिखला फैनायजों  
गोजोनग्लायना बिफां-लाइफां  
गोरलै बिलाइ खिलिजेनलायबाय  
गोथां गावनि सोमखोर महर  
लालायबाय मिथिंगा बिखाया  
रानसाव बोथोरा लाबाय सिदोब महर  
खाम, जथा, सेरजा, सिफुंनि  
गोमखानायजों हायला हुयला  
मोसालायथारबाय सुबुं माहारि  
दुखु दाहाखों नागारनानै एबा  
जाब गारनानै गोजों थांखि  
गोदान मिजिं लानानै हायला  
हुयला रंजा-बाजा बारहोनों  
खाफ्राथारलायबाय जानजिआव  
आर'नाइ मुलुगनि बर' सुबुं माहारि।  
बेनोदि रोखा बर' हारिनि  
बयनिखुबो देरसिन रंजानाय  
गोदान बोसोर बैसागु फोर्बो।

-बुब्दिराम बसुमतारी  
काबिं आंलं

## टेट्राकटिस खन्थाइ

खाम  
सिफुं  
जथाजों  
मोसानि फै  
देग्लायनि रंजालि बैसागुखों

खाम  
सिफुं  
जथाजों  
मोसायोबा  
लागोनि बयबो जाम जाम नायथारगोन

खाम  
सिफुं  
जथाजों  
मोसायोबा  
माइरं दरं बुरजा हरगोन बयबो

खाम  
सिफुं  
जथाजों  
मोसा मोसा  
बर' हारिमुखों हमथादोनि

खाम  
जथा  
सिफुंजों  
मोसानानै  
बर' लागोखों सोगोमसार होनि

खाम  
सिफुं  
जथाजों  
मोसानि फै  
मुगानि लाइमोन सेंग्रा सिखलाफोर

खाम  
सिफुं  
जथाजों  
मोसानायखों  
बावगार नाड मुगानि लाइमोनफोर

खाम  
सिफुं  
जथाजों  
मोसा मोसा  
लाइमोन गायामाखों गोगोम खालाम

-रैदोम बर', बाक्सा

(□ 1 बिलाइनिफ्राय)

(□ 1 बिलाइनिफ्राय)

## गिबि खोलोबनि मोन 5 बियाबआवने बिजेपिनि देहासारनाया रोखा: गिबि मन्थि

राइजोफोरनि बाहागो लानायखौ नुनानै सोमोनांदों होन्ना गिबि मन्थिआ फोरमायदों। बिजेपिआ जैरेबायदि खोथा होबोदों बेबायदियैने मावफुंबोगासिनो दड, हिमन्त बिश्व शर्माआ माब्लाबाबो नंखाय खोथा होया। बे बाश्राखौ बिमानि गोबोंआव थानाय गथ'आबो मिबथियो। हिमन्तनि बाश्राया अन्थाइनि रेका बायदि हिमालयआबो आंनि बाश्राखौ सोलायनो हाया होन्ना फोरमायनानै राइजोफोरनि बोर सारस्त्रिनाय मोनोब्ला आं हिमालयनि थिखिनियावबो गाखोनो हागोन होन्ना गिबि मन्थिआ गावनि बिबुंधियाव फोरमायो। कंग्रेसआ आथिखालाव आन्दा कारेन्टआवसो दडब्ला बिजेपिआ आथिखालाव अभा रकारेन्टआवसो दड होन्ना फोरमायनानै गिबि मन्थिआ बेनिखायनो मोनफ्रोमबो बिसायख'थियाव देरहागासिनो दड होन्ना दाबि दैखाडे। आसामनिफ्राय गाहाइ मन्थि जाहैनाय ड मनमहन सिं, सोनाब बंगनि गिबि मन्थि ममता बेनाजि, कंग्रेस दैदेनगिरि रहलु गान्धी आरो सनिया गान्धीआ माब्लाबाबो असमीयानि आंगो गामसाखौ मान होनो रोखाडै होन्ना फोरमायनानै हादतनि गोमो-गोथार दैदेनगिरि नरेन्द्र मदिआसो असमीयानि गोमगाथाव गामसाखौ मुलुगनि बिखायाव सिनायथि होनायजों लोगोसेनो गुबुन हादतआव दावबायहैनाय समाव आसामनि गामसाखौ गोदोनायाव लानानै बेरायदों होन्ना फोरमायो। प्रियंका गान्धीनि रड स्व'नि सोमोन्दै बाश्रा फोरमायनानै गिबि मन्थिआ गान्धीनि रड स्व'निफ्राय मन्थि पिजुस हाज'रिकानि रड स्व'आवसो बांसिन सुबुं जायो होन्ना दाबि खालामो। बिजेपिआ कंग्रेसनि बेंक एकाउन्टखौ बन्द खालामना होनायनि थाखाय कंग्रेसआ दिने रेल टिकेटनि थाखाय रहलु गान्धीआ अजद दैखंनय समावने प्रियंका गान्धीआ तिताबरआव फोसावदिदों माबोरे सार्टर उरां जाहाजआव गाखोनो हाखो होन्ना सौंथि दैखाडे। मोनसे खौरंगिगिरि मेलआव अखिल गगैआ गिबि मन्थिखौ फाफि होन्ना रायनायखौ ड शर्माआ आसामनि राइजोफोरो जों बायदि फाफिखौनो अनो आरो बोर सारस्त्रिनायनि थाखाय खेब 5 एमएलए जानायजों लोगोसे गिबि मन्थि जानानै आसामनि राइजोफोरखौ सिबिनो खाबु मोनगासिनो दड होन्ना फोरमायो। शिबसागरआव लाख-लाख सुबुंफोर आं बायदि फाफिनो बोर सारस्त्रिनो आँखारबोदों, आं फाफि जानानैनो राइज्योनि गेजेराव थागोन होन्ना गिबि मन्थिआ फोरमायदों □

## जौगाखां हादतनि थांखिजों वयबो मदिनि

### आखायखौ गोहो गोरा खालाम: दिलीप शइकिया

बिसायख'थियारि फोसावलाइआव गासै मोन 24 आयदानि सायाव गोनांथि होनायखौ नुनो मोन्दों होन्ना फोरमायो। बिजेपिनि गुबै थांखियानो जाबाय हादतनि दुखुथिया नख'रफोरखौ जौगाखांनोनाय। दुखुथिया नख'रफोरनि जिउ खुंनयनि राहाखौ फोजौखांनो थाखाय बिजेपिआ खामानि मावगासिनो दड आरो मावलांबाय थागोन। बेनिखायनो गोरिब अन्साइनायजों लोगोसेनो गेजेरारि थाखोनि जौगाखांनयनि बिथिडवबो गोनांथि होनायनि थाखाय उनफिन्ना थायाखै। आइजोफोरनि जौगाखांनय लाइमोन समाजखौ सिगां खाबु होनाय आरो गागि नोगोरारिफोरखौ खाबु होनायनि सोमोन्दै शइकियाआ खौरां बिजौनि सिगाडाव फोरमायदों। बेनि अनगायैबो आबादारि थाखोनि जौगाखांनयनि थाखाय दिहुनजानाय मुवा-बेसादफोरनि थार बेसेनखौ फोसावलाइआव मख'नाय जादों होन्ना फोरमायथियो। लोगोसे ना दिहुनयनि बिथिडवबो गोनांथि होनाय जादों होन्ना सानश्र हायै मुजिरा मावग्रा थाखोनि जौगाखांनयनि थाखायबो फोसावदिलाइआव मासि होनाय जादों होन्ना फोरमायो। पिएम बिश्वकर्मा बिथांखिनि गेजेरजों फिसा-फिसा खारखाना गायसन्नायखौ गोनांथि होनायै बयनिबो जौगाखांनयनि बिथिखौ नोगोर होनायै गासैबो थाखोनि थाखाय माबा मोनसे राहाखौ फोसावलाइआव रायखांनय जादों होन्ना शइकियाआ फोरमायबावदों। हादतखौ मुलुगनि दरबारआव बयजोंबो गोरबनानै थानायाव आरो रेखाथिनि बिथिडव गोनांथि होनायै मुलुगनि दरफ्रोमबो हादतजोंनो गाहामै-गाहाम फोनांजाब खालामनो नाजानानै खामानि मावगासिनो दड होन्ना फोरमायबावो। सहरआव जिउ खुंबोनाय सावस्त्रि खोन्दोनि जौगाखांनयखौ नोजोर होनायै मोनसे गोनांथार गोजौ थाखोनि फाहामथायनि राहा लानाय जागोन होन्ना शइकियाआ मख'बावदों। बेनि अनगायैबो गेलेनायनि बिथिडव जौगाखांनय हादतनि मोनफ्रोमबो ओन्सोलनि थाखाय जौगाखांनयजों लोगोसेनो बाहाय बिगियानिनि बिथिडवबो फोसावदिलाइआव मख'नायखौ नुनो मोन्दों होन्ना शइकियाआ फोरमायदों। फेगौ 25 बोसोरखौ उदांसिनि अमृत सम महरै लानानै बे बिसायख'थि फोसावदिलाइखौ साखा-फारा खालामनाय जादों होन्ना फोरमायनानै खौरां मेलआव शइकियाआ थानाय समफोराव एनडिए सरकारआ मावफुंनय पिएमएवाइ, जल जीवन मिशन, आयुष्मान भारत, रंगौथि जौगाखां बिथांखि, लाइमोन गोहो जौगाखांनयनि थाखाय दाहारनि बिथांखि, आबादारिफोरनि थाखाय पिएम किसानजों लोगोसे गोबां सरकारि बिथांखिफोरनि सोमोन्दैबो फोरमायथिनायखौ नुनो मोन्दों। बे खौरंगिगिरि मेलआव बिजेपिनि दोलोआरि मावफारियाफोरजों लोगोसे इडपिपिएल, अगपनि दैदेनगिरि मावफारियाफोरबो बाहागो लानो हानायखौ नुनो मोन्दों। □

## कुमारकताआव रंजालि बैसागु फालिनो लाहार-फाहार

आफादगिरि रुपज्यती पाठक, गाहाइ नेहाथारि सपन दास आरो उदित पाठक, हरिसुवारि नेहाथारि करबि पाठकजों लोगोसे सौरभ पाठकखौ लानानै सा 15 कुमारकता आन्सलिक रंजालि बैसागुनि थाखाय मोनसे गोहो-गोरा बान्जाय आफाद दाफुनायखौ नुनो मोन्दों। बेजों लोब्बा लाखिनानै बिहु मइना, लांदां बैसागु, हरखाबै बिबुंधियाय, सावगारि आखिनाय, गेलेनाय बादायलायनाय बायदि हाबाफारिजों लोगोसे आइजोफोरनि थाखाय दिरं बोनाय, मिउजिक शेयार, दैहु बुफायनाय बायदि हाबाफारिजों बादायलायनाय खुंफुंनय जागोन। बे हाबाफारियाव रंसारि भुमिधर पाठक गोसोखां हरिसुवारि जौसांखौ मुंदांखा समाज सिबियारि रुद्र' पाठकआ बेखेवगोन। 6, 7 आरो 8 बैसाग एबा 19, 20 आरो 21 एप्रिलआव चलन्तापारनि साखाथियाव थानाय कुमारकता गेजेरारि इराजि फरयसालिनि गेलेग्रा फोथारव खुंफुंजानो गोनां 15थि कुमारकता आन्सलिक रंजालि बैसागुआव गौथुमनि हाबाफारि 6 बैसाग एबा 19 एप्रिलआव 9 रिगायाव बैसागु खुंफुं आफाद एबा गौथुमनि आफादगिरि मृनाल पाठकआ फिर्फला बिरहोनाय लोगो-लोगोनो गासै हाबाफारिफोरखौनो जागायजेनाय जागोन। गासैबो हाबाफारिखौ फालिनयनि जोबनायाव 8 बैसाग एबा 21 एप्रिलआव खुंफुंजानो गोनां गेवलां मेलआव एमएलए पनिभुपन चौधुरिआ गाहाइ आलासि महरै बाहागो लागोन। बेजों लोगोसेनो बडाइगाव जिल्ला बिजेपिनि आफादगिरि उज्जल कान्ति राय, रिंकु पियासि आरो बुंधिगिरि महरै समाज सिबियारि वाक्तर आलि आहमेदखौ हांखायहरनाय जादों होन्ना मिबथिनो मोनो। जोबथा सानखालि मोनाबिलिनि 7 रिगानिफ्राय ओन्सोलारि एबा आलासि देंखोगिरि-फावगिरिफोरजों हरिसुवारि हाबाफारिखौ गाजा-गोमजायै खुंफुंनय जागोन। देंखोगिरि त्रुणा देबि, देवा शंकरखौ लिंहरनाय जादों होन्नामै मिबथिनो मोन्नाय जादों। बे बैसागुजों लोब्बा लाखिनानै आसाम साहित्य सभानि मिरु आफादनि गाहाइ नेहाथारि ड उपेन्द्रजित शर्मा, समाज सिबियारि रुद्र पाठक, बडाइगावआव थानाय स्वागत देहा फाहामसालिनि सिएमडि डा: एसके दास, फाहामगिरि केके नाथ, लाइमोन समाज सिबियारि रुपज्यती पाठक, डा: दिगन्त चौधुरि, नायसंगिरि ड करबि पाठकजों लोगोसे गोबां गुनि गियानि सुबुंफोरानो बाहागो लागोन होन्ना मिबथिनो मोन्नाय जादों। मख'नो गोनांदि, 7 बैसागखालि खुंफुंजानो गोनां लांदां बैसागुनि बादायलायनायाव बाहागो लानो थाखाय गोबां बैसागुनि हान्जाफोरा फोनांजाब खालामनानै गाव-गावसोरनि मुंखौ थिसनबाय होन्ना खुफुं आफादनिफ्राय सौरभ पाठकआ फोरमायदों। □

## गाजा-गोमजायै गेवलां बैसागु खुंनानै रंजादों

बाउनाय जायो। बे हाबाफारि जोबखानायनि उनाव गामिनि बैसो गोरा सुबुंफोरनो आर'नाइजों मान बाउनाय आरो उन्दैफोरनो बोर होनाय हाबाफारि खुंनयनि उनाव गेलेनाय बादायलायनाय, थुनलाइयारि बादायलायनाय, हरिसुवारि बादायलायनाय खुंनय जायो। बादायनायाव देहासाद जानाय बादायारिफोरनो बान्था गथायनाय जायो। बे हाबाफारि जोबखानायनि उनाव गेवलाडै हौवा-हिन्जाव, सेंग्रा-सिख्ता, बोराय-बुँदे ज'जयै मोसानानै गोसो-मोदोम होसारनानै रंजायो। मख'नो गोनांदि, दिनेनै बे हाबाफारिनि मोनाबिलि समआव हांखायहरजानाय बर' सावथुन मुलुगनि जाखांफुनाय देंखोगिरि किरनजित बसुमतारिआबो बाहागो लाफेनायखौ नुनो मोन्दों। □

## अगप आरो इडपिपिएलनि सानै दैदेनगिरिजों लोगोसे सा

### 687 सोद्रोमाफोरो बिपिएफआव हाबदों

लोगो आफादगिरि आनिल हकआ बिपिएफ दोलोआव हाबनायखौ नुनो मोन्दों। मख'नो गोनांदि, सालाकाटि बिपिएफ मावख'आव बान्जायनाय मोनसे मेलआव दोलो नागरनाय सानै दैदेनगिरिनि नागरनायाव गासै सा 687 अगप, इडपिपिएल आरो जिएसपिनि दैदेनगिरि-बिबानगिरि मावफारियाफोरा बिपिएफ दोलोआव हाबनायखौ नुनो मोन्दों। फोरमायबावनाय बायदिब्ला, सालाकाटि बिपिएफनि बिसायख'थि सामलाय आफादनि आफादगिरि अमरेन्द्र देबनाथा सामलायनाय बे मेलआव सोनाब कक्राझार बिधान सभानि एमएलए रबिराम नाज्जिरि, बिटिसिनि बेरेखा दोलोनि गाहाइ दैदेनगिरि देरहासाद बसुमतारि, बिपिएफनि लाइमोन गांखनि लोगो आफादगिरि प्रहलाद ब्रह्मजों लोगोसे बिपिएफनि मिरु आरो जिल्ला गौथुमनि दैदेनगिरि-मावफारियाफोरबो बाहागो लानो हानायखौ नुनो मोन्दों। मिबथिनो मोन्नाय बायदिब्ला, बे मेलआव जाकिर हुसेनआ गावनि आंगो दोलो अगपनिफ्राय मानो बिबान नागरखौ बेखौ राइजोफोरनि सिगाडाव फोरमायनानै गाबनो हमो। बेबायदिनो इडपिपिएलनि मिरु आफादनि लोगो आफादगिरि मासिनिफ्राय बिबान एंगारनानै आइनल हकआबो बिपिएफआव हाबना गावसोरखौनो गोमगानाय मोन्दों होन्ना फोरमायो। बिपिएफ दोलोआव गोदानै हाबफेनाय सोद्रोमाफोरखौ बिपिएफनि पालि गामसा आरो आर'नायजों बरायनायखौ नुनो मोन्दों। खौरां बिजौनि सिगाडाव बिपिएफनि गागि दैदेनगिरि देरहासाद बसुमतारिआ दिने गासै 700 दोलोनि मावफारियाफोरखौ लाफानानै आसाम गन परिषदनि जिल्ला आफादगिरि जाकिर हुसेन आरो इडपिपिएलनि मिरु लोगो आफादगिरि आइनाल हकआ बिपिएफ दोलोआव हाबनायखौ लानानै जोबोद गोजोन्नाय मोन्दों आरो दोलोनि मोनसे मोजां इंसारा होन्ना फोरमायो। गावनि बिबुंधियाव बसुमतारिआ सालाकाटि ओन्सोलाव बावैसो साननि उनावनो इडपिपिएलआ लाथिख' जानो थंगासिनो दड होन्ना फोरमायो। बसुमतारिआ चन्दन ब्रह्मआ बिपिएफ दोलो नागरनायाव दोलोहा जेबो खहा जाया होन्ना फोरमायनानै जायफोर चन्दन ब्रह्मखौ गात्रि मोनो बिसोरो इडपिपिएलखौ नागरनानै बिपिएफआव हाबफेगोन होन्ना दाबि दैखाडे। मिबथिनो मोन्नाय बायदिब्ला, बिपिएफ दोलोनि बिजाथि खाम्फा बरायारिआ फेगौ 19 एप्रिलआव बिजाथिलाइखौ गथायगोन आरो जेबो रोखोमनि दावराव-दावसि खालामा लासेनो 5000 हेफाजाबगिरिफोरखौ लानानै बिजाथिलाइ गथायगोन। □

## बाक्सानि बारापेटा नेपालि बस्टियाव संकल्प मुनि गोसोखां बिलाइ बेखेवदों

सामलायथायाव खुंनय गोसोखां लाइसि बेखेवनाय मेलयाव जर'खा समाज सिबियारि गनेश कलिताया बेखेवना होयो। बिजाब बेखेवनाय मेलयाव बाक्सा जिल्ला साहित्य सभानि लोगो नेहाथारि पेशे डेका, खारिजा बिजनीनि दालाइ साहित्य सभानि नेहाथारि बासिदुर रहमान, खोला खारिजा बिजनी गोजौ फरयसालिनि गाहाइ फोरेंगिरि सत्र प्रशाद परजुलि, आजिर मोन्नाय फोरेंगिरि केशव दास, दयमनि दास, जर'खा समाज सिबियारि किरशर लुइतेल, मिन बाहादुर चेत्रि, ग्यान बाहादुर चेत्रिमोनाहा बाहागो लाफेदों। मख'नो गोनांदि, जर'खा सोलौंथायगिरि सबिलाल लइतेल आरो मिना कुमारी लुइतेलनि गोसोखांथियाव संकल्प मुनि गोसोखां लाइसिखौ मनज लुइतेल आरो किरशर लुइतेलमोनाहा सुजुदों। मेलयाव जर'खा सुबुंफोरो सबिलाल लुइतेल आरो सबिलाल लुइतेलनि बिसि मिना कुमारी लुइतेलनि खामानि मावनायनि सायाव बिजिस्थाय होदों। □

## राइज्योआरि केन्सार फसंथाननो स्टारी

### क्लाबआ एम्बुलेन्स गथायदों

जौगाखांआरि खामानि मावबोनोय जादों आरो बेनिनो बाहागो महरै डिस्ट्रिक्ट गभर्नर निलेश अग्रवाल, डिस्ट्रिक्ट स्टारी फाउन्डेसन शेयार उरिजित एन्दो, लोगोसे स्टारी क्लाब अफ गुवाहाटीनि आथिखालनि आफादगिरि डा: सशांक' शेकर दत्तजों लोगोसे आरो माखासे अन्सायारि आरो मान गोनां खौरां बिजोंआ नुजाथि फेनायाव एम्बुलेन्सनि गंसे सावगारि नेसॉनि साबिखौ केन्सार फसंथाननि बिफाननो गथायनाय जादों। बे हाबाफारियाव आथिखालनि आफादगिरि डा: सशांक' शेकर दत्तआ बुंदोदि, बेयो जागायजेनायल' जादों, फेगौ सानफोराव स्टारी क्लाब अफ गुवाहाटीआ रज्योआरि केन्सार फसंथाननो केन्सार बायदि महामारि बेरामखौ होबथानो थाखाय हेफाजाब होलांबाय थागोन। बेजों लोगोसेनो फसंथाननि सामलायगिरि डा: स्मृति गस्वामिआ बे थांखिनि थाखाय स्टारी क्लाब अफ गुवाहाटीखौ साबायख'र बाउदों। बेनि अनगायैबो डिस्ट्रिक्ट गभर्नर निलेश अग्रवालआ स्टारीनिफ्राय बे थांखियाव लोब्बा जानो मोनानै गोजोन्नाय फोरमायदों। स्टारी क्लाब अफ गुवाहाटीनि बे समाजयारि बिबान गोनां थांखिनि गेजेरजों राइज्योयारि केन्सार फसंथाननि मोनसे गोबाव साननि आंखालआ सुफुंजादों होन्ना फसंथानआ मिबथिहोयो। आसामआ केन्सार बेराम जानायनि अन्जिमाया बांबोबाय थानाय गोब्राब जेंना सोमजिनाय थासारियाव क्लाबनि बे थांखिआ एसेब्लाबो हेफाजाब होगोन होन्ना स्टारी क्लाब अफ गुवाहाटीजों लोगोसे लोब्बा थानाय सोद्रोमाफोरो गावसोरनि बिबुंधिखौ फोरमायो। □

### सरुपेटा साहित्य सभानि बान्जायनायाव सा 7

#### जर'खा सुबुंफोरखौ बराय मान बाउदों

गेदेर सरुपेटा ओन्सोलॉनि सा 7 जर'खा नोगोरारिफोरनि न'सिम थानानै जर'खायै बराय मान बाउदों। कलबारि गामिनि आजिर मोन्नाय फोरेंगिरि-फुटबल गेलेगिरि अनन्त रम दास, पुस भबानिपुर गामिनि आजिर मोन्नाय फोरेंगिरि ग्यानेन्द्र चौधुरि, रैमारि गामिनि आजिर मोन्नाय फोरेंगिरि मबाज्जम हुसेइन, तेका गामिनि आजिर मोना फोरेंगिरि मतुर महन पाठगिरि, अजा सस्तार गामिनि आबादारि कौशल दास, काहारपारा गामिनि फालांगिरि हरिश पाठक आरो बगेमारि गामिनि जर'खा आरिसुगिरि रमा गयारिमोनखौ गाव-गावसोरनि न'सिम थानानै सरुपेटा साहित्य सभानि बिबानगिरिफोरो मान बिलाइ, बिजाबिनि थफला, गामसाजों बराय मान बाउदों। □

## गरमनि जाहोनाव म्यानमारनि दैदेनगिरि आं सान सु खौ हाउस एरेस्टआव लाखिदों

बेंकक, 17 एप्रिल :

म्यानमारनि सुबुंधि मोन्थाइफोरनि गोखों दाबि दैखागिरि आइजो आं सान सु कीआ जेलाव माखासे बोसोरनिफ्रायनो साजा भुगिनांगासिनो दड। बेनि गेजेरजों हादतआव गिखंथाव गरम आरो दुंखावनायनि जाहोनाव बिखौ जेलनिफ्राय लाबोदोंमोन। बेरा फारसे, आथिखालाव आं सान सु कीखौ नोजोर लाखिनाय जादों। सान्थियारि सरकार बेनि सोमोन्दै बुडोदि, म्यानमारनि जेलाव जोबथेजानाय आगुनि दैदेनगिरि आं सान सु कीखौ गरमनि जाहोनाव सावस्त्रियारि राहा महरै जेलनिफ्राय न'आव नोजोर लाखियो। सान्थिनि बुंधिगिरि मेजर जेनेरेल ज'आ फोरमायनाय बायदिब्ला, 78 बोसोर बैसोनि सु की आरो बिनि सरकारनि 72 बोसोर बैसोनि आगुनि



हादतगिरि विन म्यिन्टनआ बै बैसो गोर केदिफोरनि गेजेराव दंफायोमोन, जायफोरखौ गिखंथाव गरमनि जाहोनाव जेलनिफ्राय बायजोआव लाबोदोंमोन। जआ मंगलबार हर गेजेराव गुबुन हादतयारि मिडिया थान्देफोरनो बेनि खौरां होयो। बे थांखिखौ दासिमबो म्यानमारार रज्योआरि महरै फोसावयाखै। सु कीआ हादतनि रजथावनि नेपितायाव

गुबुन गुबुन रोखोमनि दायफोरनि दायनिगिरिफोरनि गेजेराव 27 बोसोर जेलनि साजा भुगिगासिनो दड। बेरा फारसे, विनआ म्यिन्टनआ म्यानमारनि बाग ओन्सोलनि ताउगुआव 8 बोसोरनि जेलनि साजा भुगिनांगासिनो दडमोन। सुलुडाव फोरमायनाय बायदिब्ला, म्यानमारआव हादतनाडै दावहाया बै समाव जागायो, जेब्ला 2021 आव सान्थिया सायख'नाय सरकारखौ बोखलायो। □

(□ 1 बिलाइनिफ्राय)

## 17 बोसोरआ खुन्दुं-खम्बलनि राजखान्थिसो सोलिदोंमोन: गौतम दास

बिसायख'थि फोसावदि मेल खुफुंनयखौ नुनो मोन्दों। बे बिसायख'थि फोसावदिनाय हाबाफारियाव बाहागो लानानै मोनसे समनि बिपिएफनि गाहाइ हाग्रामा महिलारीखौ बिटिआरनि मावफुं सोद्रोमा गौतम दासआ गोखों रावजों सांखारिनायखौ नुनो मोन्दों। खौरंगिरिफोरनि सिगाडाव मावफुं सोद्रोमा दासआ राइजो-राजाखौ आथिखालाव एनडिएजोंसो दड होन्ना फोरमायनानै राइजोफोरो एनडिएजोंसो लोब-लोब आँखारबोगासिनो दड होन्ना फोरमायो। सिगाडाव बिटिसिआव खुन्दुं-खम्बलनि राजखान्थि सोलिदोंमोन। थानाय 17 बोसोरआव 10 बोसोरआवनो आं बिपिएफजों दंफायोमोन। बै समाव खुन्दुं-खम्बलआ जोबोद खम बेसेननिमोन। थिकादारफोरो नांगौनिफ्रायबो बांसिन बेसेनआव खम्बलफोरखौ बायदोंमोन। बेफोरखौ सरयसन्सा सुबुंफोरो बाहायथाव नडामोन। खुन्दुं-खम्बलल' बाहायनाय कौटि-कौटि रंखौ दिनेनि इडपिपिएल सरकारनि बायदि माइनाव सोरां, अन्साइ बिथांखि बायदि बिथांखि लानो हायोमोन। रंखास्थियारि फोजौखांनय समाजआरि फोजौखांनयनि थाखाय खामानि मावोब्ला बिटिसिआ दिनेनि दिनआव गोबां जौगाखांनो हासिगौमोन। बै समाव सोरबा माबा बुंनो नागिरब्लाबो जेबो गोनांथि होनो गोनां जायामोन आरो बुडेब्लाबो खामानियाव गैयामोन। आथिखालाव राइजोफोरो गासैखौबो बुजिजोब्बाय। बै समनि 17 बोसोरनि सरकार आरो आथिखालनि 3 बोसोरनि सरकारनि फारागथिखौ नायबिजिसडोब्ला मोजाडै बुजिनो हागोन। बिपिएफ सरकारनि समाव खामानिफोरो मोजाडै मावजायाखैमोन। बिथांखिनि धोनफोरखौ गोरेश्थियै बाहायदोंमोन होन्ना बिटिआरनि मावफुं सोद्रोमा गौतम दासआ अजद दैखंनयखौ नुनो मोन्दों। दासआ नबकुमार सरनियाखौबो गोखों रावजों साँखारिनानै गोजोन खौसेथि जौगाखांनयनि सार्थआव गासैबो थाखोनि राइजो-राजाफोरानो एनडिएनि बिजाथि जयन्त बसुमतारिनो भट होनायै देरहासाद खालामहरनो खावलायनायखौ नुनो मोन्दों। बे हाबाफारियाव एमसिएलए जय मुसाहारि, सालबारि टिसिएलसिसिनि मासिगिरि, सालबारि जिल्ला इडपिपिएलनि आफादगिरिजों लोगोसे गोबां दैदेनगिरि, बिबानगिरि, दोलोनि मावफारियाफोरनो बाहागो लानो हानायखौ नुनो मोन्दों। □

## कक्राझार जनजाति लकसभा बियाबनि थाखाय कंग्रेस आरो अबर' सुरक्षा समितिनि उदां बिजाथिआ नमिनेसनलाइ गथायदों

मोनसे राइज्योयारि बिसायख'थि फोसावदिनाय मेल खुंनय जादों। माखासे रोजा कंग्रेसनि मावफारिया-सोद्रोमा-हेफाजाबगिरिफोरनि नुजाथि फेनायाव खुंनय मेलनि उनावनो कक्राझार लकसभा बियाबनि कंग्रेस दोलोनि बिजाथि गर्जन मुसाहारिआ कक्राझार जिल्ला रिटार्नि आरो बिसायख'थि बिबानगिरिनो गावनि नमिनेसनलाइखौ गथायो। गावनि नमिनेसनलाइ गथायनायनि उनाव कंग्रेसनि बिजाथि गर्जन मुसाहारिआ खौरां बिजौनि सिगाडाव गावनि देरहानायखौ रोखा होन्ना फोथायथिजों दाबि खालामो। बिथाड जागायजेनायनिफ्रायनो कंग्रेसनि फारसे राइजो-राजाफोरनि अन्सायनाया मोजां होन्ना मख'नानै दिने जेसेबां राइजो-राजाफोरो अन्सायदों बेनिफ्राय फोरमान जायोदि, राइजो-राजफोरनि बोराआ गावजों दंफायो होन्ना मिबथिहोयो। गुबुन फारसे, फेगौ 7 मे अक्टखालि आसामआव 3 थि खोलोबयाव खुंजानो गोनां 1 नं. कक्राझार लकसभा बियाबनि थाखाय नमिनेसनलाइखौ गथायनाय अबर' सुरक्षा समितिनि उदां बिजाथि जन दासआ खौरां बिजौनि सिगाडाव थानाय 10 बोसोर नाडै एमपि जानानै थानाय नब' कुमार शरनियाआ राइजो-राजानि जेंनाखौ सुछानायनि बिथिडव जेबो गोनांथि होयाखै। बिथाड गावनि'ल' बाश्रा सान्दों होन्ना अजद दैखंनानै बेयाव हानि जेंना दड, रावनि जेंना दड, गोदान जोलैनि इयुनिनि बाश्रा दड होन्ना बुनायजों लोगोसे बायदि बिसायख'थिखौ लोब्बा लानानै बिबुंधि होयो। □

## कक्राझाराव 66 थि रडालि बिहु फोबों जागायजेनबाय

बिहुनि फिर्फला बिरहोनायजों बेखेवना होयो फारियै बान्जाय आफादनि आफादगिरि रुपजित दास आरो जर'खा समाज सिबियारि अजय ब्रह्ममोनाह। बेनि उनावनो हाबाफारि बायदियै गेवलाडै जुथाय बिहु मोसानाय आरो बैसागु मोसानाय खुंदों। दिने सैथि साननि हाबाफारि बायदियै कक्राझारनि माखासे जर'खा सुबुंखौ कक्राझार रडालि बिहु फोबों फालिथाइ आफादनिफ्राय गांफायै गामसा आरो खफ्रिजों बरायनाय जायो। मख'नो गोनांदि, मोनाबिलिनि 6:00 रिगायाव आसाम बिथायाव खुंजानाय गेवलां बिहु बादायलायनायाव राइज्योनि गुबुन गुबुन ओन्सोलनिफ्राय मोन 10 निखुइ बांसिन बिहुवा हान्जाफोरो बाहागो लाफेदों होन्ना बान्जाय आफादआ मिबथिहोदों। □

## गिखंथाव लामानि जाब्रवथाइजों सासे सुबुंनि मिउ खहा आरो गुबुन सासेनि जोखोम

बेरायखानानै मोनाबिलि समाव गोखों गोखैथिजों न'फारसै थांबाय थानायावनो कक्राझार सहरनि गोजाम अबार ब्रिडजआव गोबारे सौदावनानै सानैबो गोबां जान्थायसिम दुहुलानो गोनां जायो। हाखु-दाखुयै सानैखौबो कक्राझार सरकारि आरएनबि देहा फाहामसालियाव फाहामथायनि थाखाय लांनय जादोंमोनब्लाबो फाहामगिरिआ मृणाल कुमार रायखौ जिउ गोमाबाय होन्ना फोसावदों। गुबुन फारसैथि गोब्राब थासारियाव समेन नाज्जिरखौ सोनाब बंगआव गाहामसिन फाहामथायनि थाखाय दैथायहरनाय जायो। मख'नो गोनांदि, जाब्रवथाइआव जिउ गोमानाय मृणाल कुमार रायआ कक्राझार आरएनबि देहा फाहामसालिनि ब्लाड बेंकनि मावफारियामोन आरो गोब्राब जोखोम जानाय समेन नाज्जिरिआ आरएनबि सरकारि देहा फाहामसालियाव सिक्किउरिटि गार्डनि हाबा मावोमोन। □

# उलाझ सावथुनआव जाह्नवी कापुरआ लाइमोन राजथान्दैनि फाव खालामदों

जाह्नवी कापुरआ सावथुन मुलुगआव गावनि जाफुंसारनायखों मोन्नों नाजागासिनो दड। एसेल' समनि गेजेरावनों फावखुंग्रिया गोबां सावथुनफोराव खामानि मावदों। नाथाय बेनि गेजेराव हिटफोरनि फारिलाइआव खालि माखासे सावथुनफोराल' दड। जाह्नवी कापुरआ सावथुनखों 'उलाझ'खों लाबोगासिनो, जायनि टीजारखों बुधबाराव फोसावनाय जादों। जाह्नवीआ थांनाय बोसोराव उलाझ सावथुनखों सेबखानायनि सोमोन्दै मोनसे आपडेट होदोंमोन। बिथाड सावथुन जोबनायनि सायाव मोनसे गोसोआरि पस्टबो सेयार खालामदोंमोन। बे समावनों,



सावथुनआ दा रिलिजनि खाथियाव सौहैबाय। बेनि गेजेराव टीजारआबो नुजाथिदों। जाह्नवीआ उलाझआव सासे भारतआरि हाग्रा सिबिथाइ मावख'गिरिनि फाव

खालामदों। सावथुननि सल'आ हादत अनफावरिनि सायाव बिथा खालामजानाय, जाय सासे लाइमोन राजथान्दै सुहाना (जाह्नवी कापुर) नि खाथि-खाला गिदिडे। सावथुनआव

सुहानाखों हादत आरो बिथानि बेरेखायै जाबाय थानाय फावफान्दयनायनि गेजेराव जेथो नानाय नुनो मोनगोन। उलाझनि टीजारआ सास्पेन्स आरो थ्रिलजों बुंफवनाय। टीजारआ

'सारे जहां से अच्छा'नि सुरजों जागायजेनो। बिनि उनाव, स्क्रिमाव जाह्नवी कापुरनि आखुआ हावदों, जायनि पस्टिआ गुबुन हादतआव जायो। एखे समावनों ब्रेकग्राउन्डआव सासे सुबुनि गारां खोनानो मोनो, जाय गावनि हादतखों 'फोथायखेबस' खालामनो थाखाय हेरफेर खालामनो नाजायो। टीजारनि जोबनायाव जाह्नवी कापुरखोंबो एक्शन मडआव नुनो मोन्नाय जादों। जाह्नवीआ उलाझआव गहाइ फाव खालामगासिनो। बे सावथुनआव गुलशन देभैया, रोशन मैथ्यू, राजेश तैलंग, मेयांग चांग, सचिन खेडेकर, राजेन्द्र गुप्ता आरो जितेन्द्र जोशीबो दड। बे सावथुनखों सुधांशु सारियाआ दिथा होदों। बेबादि समावनों सावथुनखों हाग्रासावगारिनि बेनारनि सिडव बानायनाय जादों। उलाझखों अमृता पान्डे आरो विनीत जैनआ दिहुनदों। बे सावथुनआ 5 जुलाइआव रिलिज जागोन।

## अमिताभ बच्चनआ लता दिननाथ मांगेस्कार बान्थाजों मान होजादों

बलिउडनि मेगास्टार अमिताभ बच्चनआ गावनि सावथुन के रियारआव बलिउडआव गोबां हिट सावथुनफोर होदोंमोन। बिग बिआ थांनाय 50 बोसोरनिफ्रायनो सावथुन मुलुगआव बिहोमा होबोगासिनो दड। 1969 आव बिथाड सात हिन्दुस्तानी सावथुनजों बलिउडआव आगान होजेन्नायनि उनाव जंजीर, शले, अमर आकबर एन्टनी, डन बायदि गोबां सुपारहिट सावथुनखों बलिउडआव होदोंमोन आरो बेफोर सावथुनजोंनो बिथाड मुंदांखा जादोंमोन। गावनि गोब्राब नाजानाय आरो जुजिनयजों बिग



बि बच्चनआ सावथुन मुलुगआव बयजोंबो सिनायथि जानो हादों। जायनि थाखायनो बिथांखों सेन्सुरिनि सुपार हिट'बो बुंनय जायो। बेजों लोगोसे बच्चनआ गावनि हाबानि थाखाय गोबां बान्थाफोरजों मान होजाबाय। बेबादिनो दायो बिथाड मोनसे

बान्था फारिलाइआव जायगा मोन्दों। खौरनि बादिल्ला, सुपार स्तर बच्चनआ दिननाथ मांगेस्कार बान्थाजों मान होजागोन। जेराव बे खौरखों मांगेस्कारनि नख'रआ फोसावो। नख'र आरो ट्रस्टआ लता मांगेस्कारनि गोसोखांथियाव बे बान्थाखों

गथायगोन। जेव बिथाड 2022 नि 6 फेब्रुवरिआव रंसारि जादों। बे बान्थाखों जर'खायै समाजआव मैखोम बिहोमा होनाय सुबुनोसो गथायनाय जागोन। गहाइ मन्थि नरेन्द्र मदिनो बे बान्थाखों होजेन्नाय जादोंमोन। बेनि उनाव 2023 आव लता मांगेस्कारनि बिनानाव आशा बशलेनो बे बान्थाखों गथायनाय जायो। बे खेबआव बच्चननो बे बान्थाखों गथायनाय जागोन। बे बान्थाखों फेंगों 24 एप्रिलआव लता मांगेस्कारनि बिआ आरो देंखोनि गोदेमा दिननाथ मांगेस्कारनि गोसोखांथि सानआव गथायनाय जागोन। मख'नो गोनांदि, आथिखालाव अमिताभ बच्चनआ माखासे सावथुनफोरव नुजानो थांगासिनो दड। बच्चनआ कल्की एडि 2898 सावथुनआव नुजागोन। जेराव साउथनि सुपारस्टार कमल हासन आरो प्रभाशखोंबो नुनो मोनगोन। बेनि अनगायैबो बिथांखों तामिल सावथुन वेट्टेयानआव मेगास्टार रजनीकान्तजों लोगोसे नुनो मोनगोन। मख'नो गोनांदि, बिग बिआ नायगिरिफोरनि मोजां मोनजासिन्नाय श्व कौन बनेगा कर्डुपतिनि गोदान सिजनआवबो थबैनो फेंफिनगोन।

## सासे सुपार स्टारनि बिबायारि जानाय सावगारिआ गोस्वैयै गोसार्दों



मोनसे सावगारिआ समाज बिजोडाव गोस्वैयै गोसारासिनो दड। सासे सुपार स्टार महरै गोसारनाय सावगारिआव नुजानाय बिबायारिनि बे सावगारिखों ससेल मिडियाआव गोस्वैयै गोसारनाय नुनानै गोबाडानो गावसोरनि कमेन्टखों होदों। खोला सावथुननि सुपार स्टार धनुषनि गोसारनाय बे सावगारिखों नुनानै गोबाडानो धनुषआ मा जाखो बेबादि सोंथि खालामो। नाथाय गोबाडानो बे सावगारिआ बबेनिफ्राय फेंदों आरो मानो भाइरेल जादों बेनि सायावबो सोंथि खालामदों। तामिलनि सुपारस्टार धनुषआ बे सावगारिखों गावनि

इनस्टाग्रामआव शोयार खालामदों। सावगारिआव फावखुंगुरखों गात्रि महर आरो रानस्राव खानायनि महरआव सासे बिबायारि महरआव नुनो मोन्दों। धनुषखों इन्जुरनि मोखाडव गसंनय दारि गोनां महराव केमेराखों नायनाय नुनो मोन्दों। इन्जुरआव थानाय दोरोडरि सावगारिआव इसोर शिबखों आनापुनानिफ्राय भिक्षा मोन्नाय दिन्थिनाय जादों। सावगारिआव धनुषखों गात्रि जि-जोम गान्नाय आरो फानफ्रबनाय नुनो मोन्दों। मख'नो गोनांदि, फावखुंगुर धनुषनि बे सावगारिखों बिथानिनो ओंखारनो गोनां सावथुन कुबेरनि पस्टारनि

थाखाय लानाय जादों। थामहिनबा बिथाड ओंखारनो गोनां सावथुनआव सासे बिबायारि महराव नुजानोबो हागौ। इनस्टाग्राम पस्टआव फावखुंगुरआ गुबुन गुबुन रावफोराव पस्टार शोयार खालामदों। बेयो रोखादि, फावखुंगुरखोंबो बे अभतार सावथुनआव नुनो मोनगोन। बिथानि सावथुन पस्टखों नुनानै अन्सायगिरिफोरा गावसोरनि फिनजाथायखों होगासिनो दड। जेराव सासे अन्सायगिरिआ धनुषखों हायुडरि बान्था देरहानो हासिगोन होन्नानै कमेन्ट होदों। गदाबरि, हेप्पि देज आरो लाभस्टरि बायदि तेलेगु सावथुनफोरनि थाखाय मुंदांखा कुबेरनि दिथागिरि शोखर कम्मला आरो धनुषनि गेजेराव ओंखारनो गोनां बेयो गिबि सावथुन जागोन। धनुषनि अनगायैबो सावथुनआव नागारजुन, रश्मिका मन्डना आरो जिम सरभखोंबो फाव खालामनाय नुनो मोनगोन। जेराव बे सावथुनखों मोन 5 रावआव फोसावनाय जागोन।

## इशा मालभीया आरो समर्थ जुरेलनि जराया गावस्रालायबाय



मोन्दोंमोन, जेब्ला इशाआ समर्थखों गावनि बयफ्रेन्ड मानिना लानो नेवसिदोंमोन। अब्लाबो उनाव बिसोरो

गोरोबलायफिनदोंमोन। समर्थ जुरेल आरो इशाआ उनाव पस्ट शोयार खालामनानै मोनसे नंखाय होन्ना फोसावो। नाथाय बे

खेबआव जाथाया थारैनो नंगुबै। समर्थ जुरेलआ गावनो ब्रेकआपनि खौरं होदों। बेनि अनगायै सशेल मिडियाआव

सानैनि ब्रेकआप पस्टआबो नोजोर बोदों। समर्थ जुरेलआ मिडियाजों बाश्ना सावरायनानै गावसोरनि ब्रेकआपनि सोमोन्दै बुंफोरना लायो। फ्रि प्रेस जार्नेलजों लोगोसे बाश्ना सावरायनानै बियो बुंदोंदि, 'औ इशा आरो आं दायो जयै गैलिया, जों ब्रेकआप खालामबाय। जा जादों आं बेनि सायाव बाश्ना बुंनो गोसो गैया। खोथाया बेनोदि, दा जों जयै गैलिया।' समर्थ जुरेलआ गावनि इनस्टा स्टरीआव मोनसे पस्ट शोयार खालामदों। -जेराव बियो दुखुनि मोनसे नठ शोयार खालामनानै लिरदोंदि, जाय नोंथानि बेयो नोंथानिनो जानानै थागोन। इशा मालभीयाआ गावनि इनस्टा स्टरीआव मोनसे भिडिअ शोयार खालामदों। भिडिअआव फावखुंग्रिखों आइनानि खाथियाव जिरायनानै मेक-आप खालामजानाय नुनो मोन्दों। पस्टआव बियो अनुष्का शर्मा आरो रणबीर कापुरनि सावथुन ए दिल है मुश्किलनि ब्रेकआप देंखोखोंबो दाजाबफादों।

ग्रीसनि अलिम्पियाआव पेरिस अलिम्पिकनि टर्सखों जुरिजेनबाय पेरिस, 17 एप्रिल: पेरिस अलिम्पिक 2024 नि टर्स (मशाल)खों ग्रीसनि अलिम्पियाआव लगायजेनबाय। बे टर्सखों साननि सोरांजों लगायनाय जायो। दिनेनिफ्राय मुलुगनाडै बे टर्सनि हात्थिनाया जागायसिगोन। बेबादिनो जोबनायाव बे टर्सआ पेरिसआव थाबथाहैगोन। बेखों ग्रीक फावखुंग्रि मेरि मिनाआ

लगायजेनदों। पेरिस अलिम्पिकआ खुंफुंजानो 100 सान दंबावो। बे इभेन्टआ फेंगौ 26 जुलाइनिफ्राय 11 आगस्टनि गेजेराव खुं जागोन। टर्स लगायनाय सेरिमनी(अलिम्पिक फ्लेम लाइटि सेरिमनी)आ इन्टारनेसनेल अलिम्पिक कमिटीनि आफादगिरि थमास बाकनि आफादगिरि सामलायनायाव जानानै थाडे।



बे समाव ग्रीसनि हादरगिरि केथरिना एन सकेलारपलुआबो

# गाहाम देहानि राहा

## सामब्राम गुफुर सोमनाय दै लौनाने लिरथाइखों बाडाइ खालामनो हागोन

सामब्राम गुफुर जानाया देहानि थाखाय मुलाम्फा गोनां। गनायना लानाय बायदिब्ला, बेखों जानायजों माखासे रोखोमनि एनपेक्शननि गिनांगौफोराबो खम जायो। बेखों जानायजों होवाफोराबो माखासे जेनाफोरनिफ्राय बारा'नो हायो। बेनि थाखाय सामब्राम गुफुरनि दै लौनाया जौनि देहानि थाखाय मुलाम्फा गोनां महरै फोरमान जानो हागौ। बेनि थाखाय खेबसे सामब्राम गुफुरनि दैखों लौनानै आन्जाद नायनो हागोन। सोलायनाय लाइफ स्टाइलनि जाहोनाव बांसिन सुबुंफोरनि लिरथाइआ बांलाडो। बे बायदिआव लिरथाइखों बाडाइ खालामनो थाखाय माखासे रोखोम नाजानायफोराव फेलें जाखानाय सुबुंफोरा सामब्राम गुफुरनि दैखों लौनानै फोरमान नायनो हागोन। मिडिया रिपर्टनि



बायदिब्ला, बेलि पेटनि जेनानिफ्राय रेहाय होनायाव सामब्राम गुफुरनि दैया बान्जायजाथाव। बेनि अनगायैबो बेयो ब्लाड प्रेसाखों कन्ट्रल खालामनायावबो हेफाजाब होयो। लोगोसे कि गोरा किनाय आरो डाइरिया बायदि जेनाफोरनिफ्रायबो रेहाय होयो। अदेबानि सामब्राम गुफुरनि दै लौनायजों उखैनाया खम जायो, जायजों लिरथाइआ कन्ट्रलआव थायो। सामब्राम गुफुरनि दै बानायनो थाखाय

बयनिखुइ सिगां गंसे आइजेडव गिलाससे दै होनानै बेखों 3 मिनिटसिम फुदुनानैला बेनि उनाव गर 3-4 सामब्राम गुफुरखों हानानै एवा उन्नानै दुनाय दैयाव होनानै बे दैखों गेसनिफ्राय बोखारना दसे गुसु खालामनांगौ आरो गुसु जानायनि उनाव बेखों लौनो हागौ। (नट: बेयाव होनाय गहाफोरखों आजावना लानायनि सिगां देहा फाहामगिरिफोरनि बोसोन लागोनाया गाहाम।)

## जुनियर एनटिआरनि उनाव ऋतिक रशन 'वार-2'नि सावथुननि नुथाइआ सोराडाव फेंदों

'वार-2' सावथुननि हाबाफारिया गोबां गोखैयै सोलिगासिनो दड। सावथुनजों सोमोन्दो थाया आपडेटफोरखों माखासे समनिफ्राय खोनानो मोनबाय थादों। बावैसो बे सावथुननि थाखाय जुनियर एनटिआरनि गिबि नुथाइआ गोबां सावरायजादों। बे समाव ऋतिक रशननि 'वार-2'नि नुथाइआबो सोराडाव फेंदों। बेजों लोगोसेनो जुनियर एनटिआरनि नुथाइआबो शुटि शेटनिफ्राय सोराडाव फेंदों। वार-2 सावथुनआव ऋतिक आरो जुनियर एनटिआरआ गहाइ फाव खालामदों। वार-2 नि शुटिनिफ्राय मोननै सावगारिया सशेल मिडियाआव फेंदों। बेनि गिबि सावगारिआ हेन्डसाम फावखुंगुर ऋतिक रशननि। बे सावगारियाव फावखुंगुरखों गुफुर टी-शर्ट आरो ब्लेक जेकेटआव नुनो मोन्दों। सावथुननि थाखाय ऋतिकआ गोबां खस्थ खालामदों, जाय बिनि बडिखों



नुनानै रोखा मोन्दांथिनो हायो। गुबुन फासे जुनियर एनटिआरनि बाश्ना बुडेब्ला, फावखुंगुरआ ग्रे टि-शर्ट आरो मेचिं पेन्टआव नुनो मोन्दों। वार-2 आव ऋतिक रशनआ गहाइ फावखुंगुर, जायखों एक्सन मडआव नुनो मोनगोन। गुबुन फासे जुनियर एनटिआरआ गहाइ भिलेनि फाव खालामदों। सावथुनआव सानैबो सुपारस्टारनि गेजेराव सुथुरनि थासासिखों नायनायाव गोबां रंजानाय मोनगोन। वार-

2 आव ऋतिक आरो जुनियर एनटिआर के साथ कियारा आडवाणीआबो दंफायो। बेनिनो सावथुननि डायरेक्सनखों अयान मुखार्जीआ खालामगासिनो, जाय 'वेक आप सिड', 'ये जवानी है दिवानी' आरो 'ब्रह्मास्त्र' बायदि हिट सावथुनफोरखों बानायनायनि थाखाय मिबिथि जायो। वार-2 आ 2019 नि वार सावथुननि सिकुवेल। गिबि

वार सावथुनआव ऋतिक रशन, टाइगर श्राफ आरो वाणी कापुरमोनखों नुनो मोन्दोंमोन। यश राज सावथुननि बेनारनि सायाव बानायजानाय बे सावथुनखों सिद्धार्थ आनन्दआ बिथोन होदों। वार सावथुनआ बक्स अफिसआव हिट महर मोन्दोंमोन। बेब्दिआव हास्थायगिरिफोरा वार-2 खौ नेनानै दड। बे सावथुनखों 2025 नि उदासि सानखालि रिलिज खालामगोन।

## इशा मालभीया आरो समर्थ जुरेलनि जराया गावस्रालायबाय

बिग बस-17 नि न'आव गोबां जराफोरखों नुनो मोन्दोंमोन। माखासे जराफोरा जुलि जानायब्ला माखासेफोरा सोमोन्देयारिआव थानायखों नुनो मोन्दोंमोन। बे समाव स्व'नि मोनसे मुंदांखा जरानि सोमोन्दोआ बायबाय। बिग बस-17 नि अन्जाथाव जरा समर्थ जुरेल आरो इशा मालभीया सानैबो गाव-गावनि सान्नाय-हनायखों आलादा खालामबाय। समर्थ जुरेल आरो इशा मालभीयानि सोमोन्दोनि जोबथा आन्जाद नायनायखों बिग बस-17 नि न'आव नुनो

मोन्दोंमोन, जेब्ला इशाआ समर्थखों गावनि बयफ्रेन्ड मानिना लानो नेवसिदोंमोन। अब्लाबो उनाव बिसोरो

गोरोबलायफिनदोंमोन। समर्थ जुरेल आरो इशाआ उनाव पस्ट शोयार खालामनानै मोनसे नंखाय होन्ना फोसावो। नाथाय बे

खेबआव जाथाया थारैनो नंगुबै। समर्थ जुरेलआ गावनो ब्रेकआपनि खौरं होदों। बेनि अनगायै सशेल मिडियाआव

## करनानि उनाव भारतनि आपेल आइफननि एक्सपर्टआ 2 गुण जाबाय

गोदान दिल्ली, 17 एप्रिल : कभड महामारिनि उनाव मुलुगनाडै नि मुंदांखा कम्पनीफोरनि फोथायनाया चीननि सायाव खम जानानै भारतनि सायाव बांदों। बेनि मुलाम्फाखौ लान्थिये भारत आरो भारतयारि रांखान्थियारि बेब 'स्थायानो मोनगासिनो दड। माखासे हादतफोराव गावसोरनि मेनुफे क्वारि इउनितखौ चीननिफ्राय भारतआव शिफ्ट खालामदों। बेनिनो गोहोमाव टेस्लानि बिगोमा एलन मास्कआ फेगौ 22 एप्रिलआव भारतआव फेगोन। बेयाव बिथाडा पिपम मदिके थाफागोन। टेस्लाया गोखैयै बांनया भारतयारि बाजारनि मुलाम्फाखौ लानो थाखाय हादतआव गावसोरनि इउनितखौ लागायनो गोसो जागासिनो दड। थांनया सानफोराव आइफन बानायग्रा कम्पनी आपेलाबो गावनि



मेनुफे क्वारि इउनितखौ भारतआव जागायदों। बे इउनितखौ जाबसिन्नायनि मुलाम्फाखौबो आपेलआनो मोन्दों। भारतनिफ्राय आपेलनि आइफनखौ एक्सपर्ट खालामनाया 2023-24 आव गासै 2 गुण जानानै 12.1 आर'ब आमेरिका डलार जायो। फालांगियारि कौरां होग्रा जौसां ट्रेड भिजननि फारसेनिफ्राय बेनि खौरांखौ होदों। खौरांखौ बुंनया जादोंदि, बेनि सिगां थांनया रांखान्थि बोसोराव बेनि अन्जिमाया 6.27 आर'ब आमेरिकान डलारमोन।

रांखान्थियारि बोसोर 2023-24 आव भारतनिफ्राय स्मार्ट फननि एक्सपर्टआ बानानै गासै 16.5 आर'ब डलार जायो, जाय थांनया रांखान्थि बोसोराव 12 आर'ब आमेरिकान डलारमोन। बेयाव आपेलनि आइफन बाहागोया बयनिखुइ बांसिन ट्रेड भिजननि फारसेनिफ्राय बुंबावदोंदि, बे बांनया आपेलनि बांनया, इन्डियान मेनुफेक्वारि इक' सिस्टेमनि जौगाखांनया आरो गोदान दिहुन्नायखौ बांनया फालांगिनि गोहोमफोरखौ दिन्थियो। भारतनिफ्राय आपेलनि आइफननि एक्सपर्टआ

रांखान्थि बोसोर 2022-23 आव 6.27 आर'ब डलारनिखुइ बांनानै 2023-24 आव 12.1 आर'ब डलार जायो। जाय गासै 100 जौखोन्दोनि बांनयाखौ दिन्थियो। ट्रेड भिजननि बायदिव्ला अन्जिमानिफ्राय बे बाथाया रोखा जायोदि, भारतआ आथिखालाव आपेलनि ग्लबेल साफलाइ सेनआव गाहायै बिफाव लागसिनो दड। भारत सरकारनि दिहुन्थयजौ लोब्बा गोनां टिएलआइ सिक्कम बायदि थांखिफोरा आपेल बायदि कम्पनीफोरखौ जायगानि मेनुफेक्वारिआव इन्भेस्टमेन्ट खालामनो थाखाय गोसो दुहोदों। बेनि गेजेरजौ आमेरिकानि बाजारव भारतआव बानायनाय आइफनआ लान्थिये बांगसिनो दड।

## इज्राइलनि सायाव गाग्लोबनायनि उनाव आमेरिकाया इराननि हेंथायै गोखौं थांखि लादों

गोदान दिल्ली, 17 एप्रिल : इराननि फारसेनिफ्राय इज्राइलनि सायाव गाग्लोबनायफोरनि उनाव इज्राइलआबो फिन्नाय होनानै बुंदों। इज्राइलनि फारसेनिफ्राय सान्थियारि नायबिजिरनाय जागोन एबा गुबुन रहा लामा लानाय जागोन। नाथाय बेनि गेजेरजौ आमेरिकाया गोखौं थांखि लानायनि बाथा बुंदों। आमेरिकानि फारसेनिफ्राय बुंनया बायदिव्ला बिसोर इराननि मिसाइल आरो ड्रन प्रग्रामनि सायाव होबथानाय जाबसिन्ना होगोन। बेनि अनगायै इस्लामिक रिभल्युएशनरि गार्ड कर्प्स आरो इराननि रैखाथि बिफानखौ मदत खालामग्रा फसंथानफोरनि सायावबो फेगौ सानफोराव गोदान होबथानाय जाबसिन्ना होनया जागोन। आमेरिकानि माहारियारि रैखाथि बोसोनगिरि



जेक सुलिबानआ बुडोदि, इज्राइलनि हेंथायै इराननि गाग्लोबनायफोरनि उनाव हादतगिरि ज' बाइडेननो जि 7 जौं लोगोसे हेफाजाबगिरिफोर आरो बाहागो लागिरिफोरजौ लोगोसे मान बाउगासिनो दड। बिथाडा बुडे, फेगौ सानफोराव आमेरिकाया इराननि हेंथायै माखासे रोखोमनि होबथानाय जाबसिन्ना होगोन। जेक सुलिबानआ बुंबावदोंदि, जौ अखांमा आरो मिसाइल

रैखाथिखौ जाकुंसारै गोखौं खालामनो, जौगाखांनो थाखाय रैखाथि बिफान आरो आमेरिकानि सेन्ट्रल कामान्डुफोरनि गेजेरजौ खामानि मावगासिनो दड। बे हाबाफारिखौ जौं आवगायहोलांनया थागोन बेजौ जौं गासै गेजेर सानजाह इराननि मिसाइल आरो इउएभि गोहोफोरनि गोहोमफोरखौ खम खालामनो हागोन। बिथाडा बुंबावदों, गोदान होबथानाय

आरो गुबुन राहाया इराननि सान्थियारि गोहो आरो गोहोमफोरखौ कन्ट्रल खालामनो एबा खम खालामनो थाखाय। आमेरिकाया थांनया 7 बोसोरनि गेजेरव मिसाइल आरो ड्रनजौ सोमोन्दो गोनां होबथानायफोरनि अनगायै उतरखारिफोरजौ लोब्बा गोनां 600 निखुइ बांसिन सुबुंफोर आरो फसंथानफोरनि हेंथायै होबथानाय जाबसिन्ना होदों। सुलुनि बायदिव्ला इज्राइलआ गावसोरनि सुथुरफोरखौ लान्थिये फोजोबसांगसिनो दड। इज्राइल सान्थियारि बुंनया बायदिव्ला खोला लेबनानआव गोदान उरां जाहाजजौ गाग्लोबनायफोराव हिजबुल्लाहनि सानै कामान्डारफोरजौ लोगोसे साथाम दावहारुफोरनि जिउ गोमायो।

## इरान आरो इज्राइलनि गेजेराव जेना बांनयानि जाहोनाव सरकार उरां जाहाज कम्पनीफोरनो सुबुरुन होदों

गोदान दिल्ली, 17 एप्रिल : सोनाब एसियाआव जेना बांनयानि गेजेरजौ मिनिस्ट्रि अफ सिभिल एभियेशनआ गासै एयारलाइन्सफोरखौ हारिमायारि उरां जाहाजफोर सालायनायखौ लानानै गावसोरनि थाखोयाव अलखदखौ नायबिजिरनो थाखाय बिथोन होदों। एयार इन्डिया, बिस्तार, इन्डिग' आरो गुबुन गुबुन हारिमायारि एयारलाइन्सआ सोनाबारि हादतफोरनि थाखाय उरां जाहाजनि लामाफोरनि अप्सनखौ सायख'दों। इरान आरो इज्राइलनि गेजेराव जेना बांनयाखौ नोजोर होनानै एयारलाइन्सआ गावसोरनि उरां जाहाजफोरखौ इराननि अखांमा ओन्सोलजौ सालायनो हायाखै। खौरां एजेन्सि पिटिआइजौ सावरायनाय समाव मिनिस्ट्री अफ सिभिस एभियेशननि सेक्रेटारि भुमलुनमुन भुअलनमआ बुडोदि, गासै एयारलाइन्सफोरखौ गावसोरनि उरां जाहाजफोर सालायनायनि सोमोन्दैयै गावसोरनि अलखदखौ नायबिजिरनो



थाखाय बुंनया जादों। बिथाडा बुंदों, डिजिसिएआ गासै एयारलाइन्सफोरजौ लोगोसे हे फाजाबगिरिफोरजौ सावरायगासिनो दड। बिसोर गुबुन हादतयारि बिफानजौ

लोगोसेबो सोमोन्दो लाखिदों। सोनाब एसियाआव जेना बांनयानि गेजेरजौ बिफान एबा डिजिसिएनि फारसेनिफ्राय गासै एयारलाइन्सखौ लानानै जेबो बोसोन होयैनि सौंथिनि सायाव

सेक्रेटारिया बे खौरांखौ होयो। मख'नो गोनांदि, बावैसो सिगां इरानआ इज्राइलनि सायाव गाग्लोबनिफाननै गोबां ड्रन आरो मिसाइलफोर गावहरदोंमोन। बेनि उनाव इज्राइलआबो इराननि

बे गाग्लोबनायनि फिन्नाय होगोन होन्ना बुंदोंमोन। बेनि जाहोनाव ओन्सोलाव जेना गोनां थासासिर सोमजियो। एयार इन्डियाआ भारतआव हान्था-मेला खालामनो थाखाय गावसोरनि माखासे हारिमायारि उरां जाहाजफोरखौ सायख'नाय लामाफोरजौ सालायगासिनो दड। बिस्तारायाबो सोनाब एसिया अलखदनि जाहोनाव गावसोरनि माखासे उरां जाहाजफोरनि लामाखौ सोलायदों। बेनि गेजेरजौ एयार इन्डियाआ तेल अभिबनि थाखाय गावसोरनि उरां जाहाजखौ अरायथा नडैनि महरै होबथाना लाखिदों।

## तेलेंगाना, उरिष्याजौ लोगोसे माखासे राइज्योफोराव दुंखावनाय, अखा आरो बरफ गोग्लैनायनि एलार्ट फोसावदों

गोदान दिल्ली, 17 एप्रिल: बोथोर बिफानआ उत्तराखण्ड आरो हिमाचल प्रदेशआव बरफ गोग्लैगोन होन्ना नै एलार्ट फोसावदों। बेजौ लोगोसेनो सा-सोनाब भारतआव 18 एप्रिलनिफ्राय 21 एप्रिलसिमआव सारअन्थाय आरो गोखौं बार बारनायजौ लोगोसे अखा हागोनखौ हमदांदों। बोथोर बिफाननि बादिव्ला, जम्मु-काश्मीर, हिमाचल प्रदेश आरो उत्तराखण्डआव 18-21 एप्रिलनि गेजेराव गोखौं बार बारनायजौ लोगोसे अखा हानो हागौ। हिमाचल आरो उत्तराखण्डआव अखाजौ लोगोसे बरफ गोग्लैनायनि आसा दड। सा-सान्जा भारतनि आसाम, अरुनाचल प्रदेश, मेघालय, मनिपुर, मिजोरम, त्रिपुरा, नागालेण्ड आरो सिक्किमआवबो 21 एप्रिलसिमआव गेसे अखा हानो हागौ। बोथोर बिफानआ



सौरास्ट्र, कच्छ, तेलेंगाना, उरिष्या आरो सोनाब बंगआव दुंहाव बार बारनायजौ बिदुडा बांगोन। लैथोमा सेराव थांनया राइज्योफोराव गरमजौ लोगोसे सिदोमाया जेनानि जाहोन जागोन। सोनाब बंगनि बोरिमा ओन्सोल, तामिलनाडु आरो कर्नाटकआव गरमजौ लोगोसे बोथोरआ सिदोमा जानानै थांनयायनि आसा दड। गवाआवबो गरमजौ लोगोसेनो

सिदोमा थासासिरआ सुबुंफोरनि थाखाय जेना लाबोनो हागौ। उत्तर प्रदेशनि माखासे जायगाफोराव सोनाब नारसिन्थायनि जाहोनाव अखा हागोन। राजस्थानआवबो बेनि जाहोनावनो अखा हानायनि आसा दड। अदेबानि 20 एप्रिलसिमआव सोनाब नारसिन्थायनि गोहोमआ खम जागोन। गेजेर भारत, खोला भारत आरो सा-सान्जा भारतनि

बांसिन राइज्योफोराव अखा हानायनि आसाया बांसिन। बेगफासै पान्जाब, हरियाणा, उत्तर प्रदेश आरो बिहारनि बांसिन राइज्योफोराव बोथोरआ सरासन्थायै थांनयायनि आसा दड। झारखण्डनि डालटगन्ज सहरआव 16 एप्रिलखालि बिदुडा खमसिन थिसनजायो। बै सानाव बिदुडा बैयाव 41.2 डिग्री सेलसियास थिसनजायो।

## खोला लेबनानआव उरां जाहाजजौ गाग्लोबनायाव हिजबुल्लाहनि टप कामान्डारनि जिउ गोमादों



इरान, 17 एप्रिल : इराननि फारसेनिफ्राय इज्राइलनि सायाव गाग्लोबनायनि उनिफ्राय गेजेर सान्जायाव थासारिया गोखैयै सोलायबोगासिनो दड। इज्राइलनि फारसेनिफ्राय बेनि सोमोन्दैयै बुडोदि, बिसोर इरानखौ गाग्लोबनायनि फिन्नाय होगोन। बेनि गेजेरजौ इज्राइल सान्थिया खोला लेबनानआव उरां जाहाजजौ गाग्लोबनायफोराव हिजबुल्लाहनि सानै कामान्डारफोरजौ लोगोसे साथाम दावहारुफोरनि जिउ गोमादों होन्ना बुडे। इज्राइल सान्थिनि

बुंनया बायदिव्ला, उरां जाहाजजौ गाग्लोबनायफोराव राडवान फर्सनि सोनाब ओन्सोलनि रकेट आरो मिसाइल इउनितनि कामान्डार महम्मद हुसेन शाहौरीनि जिउ गोमायो। इज्राइलनि डिफेन्स फर्सनि फारसेनिफ्राय फोसावनाय बिबुंथियाव बुडेदि महम्मद हुसेन शाहौरीया लेबनाननि गेजेर आरो सोनाब ओन्सोलफोराव इज्राइलनि फारसे रकेट आरो मिसाइल गाग्लोबनायनि बिथांखि लानानै गाग्लोबदोंमोन। इज्राइल सान्थिनि बायदिव्ला हिजबुल्लाहनि रकेट आरो

मिसाइल इउनितनि आरोबाव सासे कामान्डार महमुद इब्राहिम फदलल्लाहआबो उरां जाहाज गाग्लोबनायाव जिउ गोमायो। सिपनएनि रिपर्टनि बायदिव्ला, बेनि सिगां इज्राइल डिफेन्स फर्सआ मोनसे बिबुंथियाव बुंदोंमोनदि, खोला लेबनानआव बिसोरनि उरां जाहाजजौ गाग्लोबनायाव लेबनानआव थांनया एन एबेन ओन्सोलाव हिजबुल्लाहनि बोरियारि ओन्सोलनि कामान्डार इस्माइल युसुफ बाजआ जिउ गोमायो। हिजबुल्लाहआबो गावनि साथाम दावहारुफोर थैनायनि खौरां होदों। आथिखालाव बेखौ लानानै हिजबुल्लाहनि फारसेनिफ्राय जेबो खौरां फोरमायाखै। सुलुनि बायदिव्ला इरानआ थांनया शनिबारखालि इज्राइलआव 300 निखुइ बांसिन ड्रन आरो मिसाइलफोर गावहरदोंमोन।

## इउएइआव गोबां अखा, अमानआव दै बानाजौ सा 18 सुबुंफोरनि जिउ गोमादों

दुबाइ, 17 एप्रिल: इउएइ आरो बिसोरनि खाथि-खालानि हादतफोराव मंगलबारखालि गोबां अखा हायो। गोबां अखानि जाहोनाव इउएइआव गाहाइ रजा लामाफोरनि माखासे बाहागोफोराव दैआ बुंफबदों आरो सान्जा दुबाइआव गरिफोर लामाफोराव जायगा-जायगा जमा-जमा लामा गोथेनानै थायो। मुलुगनि मुखुब उरां जाहाज गाथोनफोरनि गेजेराव मोनसे दुबाइ इन्टारनेसनेल एयारपर्ट (डिएक्सबि)आव गासै 25 मिनिट सालायनाया बन्द थायो। बेनि जाहोनाव माखासे उरां जाहाजफोरखौ होबथानाडो। न'सुंसे हादत अमानआव दै बानानि जाहोनाव थैनायफोरनि अन्जिमाया सा 8 जायो आरो माखासे गुबुनफोर गोमाना दड। आरब द्वीप हान्जानि हादत इउएइआव अखाया सरसनखा नड। नाथाय गुसु बोथोरनि दानफोराव माब्लाबा-माब्लाबा अखा हायो। नेम-खान्थि बायदि अखा हानाय आंखालनि



जाहोनाव माखासे लामाफोर आरो गुबुन ओन्सोलफोराव दै बाग्लायनाय नेम-खान्थिनि आंखालनि जाहोनाव दै बाना फेयो। गोबां अखा हानायनि जाहोनाव इउएइनि खुंथाइया मंगलबारखालि सुबुंफोरखौ न'आवनो थानो खावलायदों। बेनि जाहोनाव स्कुलफोरा अनलाइन क्लास लादों। सरकारि मावसुमाफोरखौबो न'निफ्रायनो खामानि मावनो बिथोन होदों। राजा-लामा आरो गुबुन लामाफोरनिफ्राय दै दिहुनहरनो थाखाय खुंथाइआ गिदिर-गिदिर

पाम्प लागायनादों। थांनया मंगलबारखालि जेब्ला इउएइनि अखाडाव अखा खोरमदोंमोन। माहारियारि बोथोर बिगियान मिरुआ दुबाइ, आबुधाबी, शारजाह आरो माखासे गुबुन अमिरातनि थागिबिफोरखौ फेगौ 24 घन्टायव गोबां अखा आरो सार-अन्थाइ गोग्लैनायनि थाखाय थियारियै थानो थिनो। इउएइनि न'सुंसे हादतफोर बहरीन, काटार, सौदी आरबआवबो गोबां अखा हायो।

2024 आव  
गोदान दिल्ली, 17 एप्रिल: बोहैथि बोसोर 2024 आव एलन मास्कनि इलेक्ट्रिक कार कम्पनी टेस्लानि शेयारआव गोखौं दावख्लायनाय नुनो मोनगासिनो। बेखौ नोजोर होनानै कम्पनीआ मुलुगनां मावफारिया हान्जाया 10 जौखोन्दो खमायदों। मावफारियाफोरखौ खम खालामनायनि जाहोनखौ शेयारआव दावख्लायनायनि जाहोनाव सेल्स ग्रथ एबा आञ्जिथाया दावख्लायनायखौनो

## टेस्लानि शेयारआ 37 जौखोन्दो दावख्लायनाय



गाहाइ होनानै बुंनया जादों। आमेरिकानि शेयारआव लिस्टेड टेस्लानि स्टक आव मंगलबारखालिनि फालांगि सेसनआव 2.7 जौखोन्दो दावख्लायो आरो बेयो

दावख्लायनायजौ 157.11 डलारआव बन्द जायो। बेनि जाहोनाव टेस्लानि मार्केट केपआ 500 अरब डलारनि गाहायाव थाडो। 2024 नि जागायनायनिफ्राय दासिमाव

टेस्लानि शेयारआ 37 जौखोन्दो दावख्लायनाय। बेजौ लोगोसे 2024 आव एस एण्ड पि 500 इन्डेक्सआव बयनिखुइबो बांसिन दावख्लायनाय शेयारफोरनि गेजेराव बेयो 2थि नम्बरआव थायो। बेनि जाहोनाव शेयार हल्लारफोरनि भेल्थआव 290 अरब डलार दावख्लायो। सोलिफु दान एप्रिलनि जागायनायाव टेस्लाआ 2024 नि गिबि 3 दानफोरनि फान्नी हानाय अन्जिमाखौ फोसावदोंमोन। बेजौ टेस्लानि

ग्रथ स्टिरिआव जेनानि जौमै साग्लोबो। सुलुनि बादिव्ला, कम्पनीआ बेसेन खमनि इभि बानायनायनि प्लेनखौबो केन्सेल खालामो आरो बे समाव कम्पनीआ ख्वेटिसनि सायाव नोजोर होदों। बेखौ कम्पनीआ आगस्टआव लन्व खालामनो हागौ। मुलुगनां बाजारआवबो कम्पनीआ गेजेन जानादों। जेराव चीननि कम्पनी बिवाइडिआ टेस्लाखौ उन खालामनानै मुलुगनि नम्बर 1 इलेक्ट्रिक कार कम्पनी जानो हायो।

## भिनेशनि दाबिखौ आबु खालामनो आइआएआ सिगांदों

गोदान दिल्ली, 17 एप्रिल: भारतीय आइजो रेसलार भिनेश फनातआ रेसलरिनि फोथारआव गोबां मुं आञिबाय। भारतीय रेसलरिनि फेडरेशननिप्रत्यय भिनेशआ गावनि दाबिथायनि सायाव माखासे गोनांथिथार रेसपन्स मोन्दों। बिथानि कच वालर एकस, फिजिय थेरापिस आस्विनी पाटिल आरो स्पलिन पार्टनर एबा प्रेक्टिस खालामनो रेसलर अरबिन्दआ किर्गिस्ताननि बिस्केकआव फेगौ 19 एप्रिलनिफ्राय जानो गोनां अलिम्पिक क्वालिफायरआव जुथायै थांफानो हागौ। भारतीय अलिम्पिक एस'सिएसनआ रेसलरिनि फेडरेशनजों सावरायज्जालानानै बिसोर साथामनि गनायथि कार्ड फोसावनो सुबुरुन हर्दों। खुंफुंग्रा आफादआबो बिसोर साथामनो गनायथिलाइ कार्ड होनो थियारि जाबाय। नाथाय बेखौ फोसावनानि सिगां एकसआ इउनाइटेड वर्ल्ड रेसलरिनि थाखाय कचि लाइसेन्सनि पीसखौ गथायनां गोन। भिनेशआ दाय होनाय बादिब्ला, गावखौ अलिम्पिकआव थांनानयनिफ्राय होबथानानयनि थाखाय खैसार सादों। गावनि सापर्ट स्टाफखौ



क्वालिफायरआव जुथायै दैथायहरनानयनि थाखाय गनायथिलाइ फोसावाखै। खौरनि बादिब्ला, भिनेशनि बेबादि अजदनि उनाव साइआ आइअएजों बे आयदानि सायाव गोखौं रहा लानांगौनि सायाव सावरायो। जायनि उनाव आइअएआ रेसलरिनि फेडरेशनजों सावरायनानै साथामनिबो गनायथि बिलाइखौ फोसावनो खावलायो। रेसलरिनि फेडरेशन आबो इउडबिलउडबिलउजों सावरायनानै बिसोरनि गनायथि होनायखौ फोसावनो सुबुरुन हरो। सरासन्नायै कचनाव दुर्नामेन्टआव थांनानयनि थाखाय वर्ल्ड आफादिनि लाइसेन्स थांनानां गौ जायो। नाथाय एकसनिसिम बे लाइसेन्सआ गैया। जायनि थाखाय बिथाड लाइसेन्स पीसखौ गथायोब्लासो गनायथिलाइ

## मायकलासआ 38 बोसोरनि गोजाम वर्ल्ड रेकर्डखौ सिफायदों



भिलिन्यास, 17 एप्रिल: लिनुआनियानि मायकलास अलेकनाआ डिस्कास थ्रनि फोथारआव 38 बोसोरनि गोजाम वर्ल्ड रेकर्डखौ सिफायबाय। बिथाड 1986 आव जार्मनिन जुर्गेन शुल्टजों थिसनजानाय 74.08 मिटर जान्थायनि रेकर्डखौ सिफायनानै गावनि मुडाव लाखिबाय। अलेकनाआ अकलाहामा थ्रज सिरिज कम्पेटिसनआव 243 फुट 11 इन्स (74.35 मिटर) जान्थायसिम खुबैनानै 38 बोसोरनि गोजाम रेकर्डखौ सिफायनानै गावनि मुं लाखिदों। वर्ल्ड एथलेटिक्सनि बादिब्ला, अलेकनानि थ्रआ 244 फुट (74.41 मिटर) जान्थायसिम थांदोंमोन। नाथाय उनि समाव बेखौ 74.35 मिटर जान्थाय खालामनाय जादों। नाथाय वर्ल्ड रेकर्ड थिसन्याय महरे वर्ल्ड एथलेटिक्सनिफ्राय दासिमबो बिथानि दिन्थिफुंनाना गनायथि मोनथ'याखै। 21 बोसोर बैसोनि अलेकनाआ केलिफोर्निया इडनिभासिआव जुनियर महरे सोलौंथाय लानाय महरे वर्ल्ड सेमियनसिपआवबो खेबनै मेडेल देरहाखांबाय। 2022 आव बिथाड सिलभार आरो थांनानय बोसोराव ब्रन्ज मेडेल देरहादोंमोन। अलेकनाआ गावनि बिफानि दिन्थिफुंनानयखौबो गोबां उनाव लाखिबाय। अलेकनाआ बे रेकर्डखौ किउबानि यामे पेरिजनिफ्राय सानसे सिगांनो खुबेनायाव थिसन्दों। जेराव यामेआ आइजोफोरनि केटेगरिआव बयनिखुइबो साबसिन 73.09 मिटर जान्थायनि दिन्थिफुंनो।

## रुपिन्दर पाल सिंहआ गोस्त्रौ गाग्लोवनायखौ होबथानानयनि थाखाय पारिनि गोनांथिखौ फोरमायदों

गोदान दिल्ली, 17 एप्रिल: भारतनि बारा' ड्रेग फिलकनि जर'खागिरि रुपिन्दर पाल सिंहआ भारतीय हौवाफोरनि हकी हान्जानि गेजेराव साबसिन जौगानानयनि थाखाय गेलेनाय समाव पारिनि आरो गावजों गावनि गेजेराव मिउसियेल बुजिलानानयनि गोनांथिखौ फोरमायदों। बिथानि बादिब्ला, भारतीय हान्जाना साबसिन पारि खालामनायजों स्ट्रेलियानि गोब्राव गालोबनायखौ होबथानो हागोन। भारतआ थांनानय बावैसो पर्टआव जालानाय खेब 5 टेस्ट सिरिजनि मेचआव अस्ट्रेलियाजों 0-5 स्करिआव जेन्नांदोंमोन। भारतनि दावबायनाया बेबादि



जेन्नायजों बयनिबो गोसोआव गावयारि फोथानानाया खमयानो हर्दों। बेबादि थासारिनि सिगां भारतनि हान्जाना एफआइएइस प्र: लीगआव मोजाडे दिन्थिफुंनो हानानयनिफ्राय अस्ट्रेलिया सिरिजआव थांनानयनि गोहो मोन्दोंमोन। भारतीय हान्जाना फेगौ जुलाइ-आगस्ट दानआव

जानो गोनां पेरिस अलिम्पिकआव टकिथ अलिम्पिकनि ब्रन्ज मेडेल देरहानानयनिफ्राय साबसिनै एबा बे मेडेलखौ रैखाथि होनो थांखियाव दड। नाथाय अस्ट्रेलियाजों जेन्नाय सिरिजनिफ्राय भारतआ गावसोरनि गोरोन्थिफोरखौ आरोबाव सुद्रायनांगौनि गोनांथि

## अन्सुता सरेनआ अन्सुता लाकड़ा बान्थाजों मान होजादों

गोदान दिल्ली, 17 एप्रिल: हकी इन्डियाआ भारतीय आइजो हकी हान्जानि फरवाड दिपिका सरेनखौ बोसोरनि राइजिं गेलेगिरि महरे मुंदांखा हकी इन्डिया अन्सुता लाकड़ा बान्थाजों मान होदों। बे बान्थाजों मान होजानानयनि सायाव दिपिकाआ हकी इन्डियानिसिम साबायखर हर्दों। बिथाड 2023 नि समाव मोजाडे दिन्थिफुंनानयनि थाखाय बे बान्थाजों मान होजादों। दिपिकाआ आइजो जुनियर एसिया कप हान्जानि थाखाय मोजाडे दिन्थिफुंनानय खेब 6 मेचनि गेजेराव 7 गल सोनानै



हान्जानि सनानि मेडेल देरहानानायाव गोबां बिहोमा जगायदों। लोगोसे बिथाडा दुर्नामेन्टआव हान्जानि थाखाय नैथि बांसिन गल सोनानय गेलेगिरि जानो हादों। बान्था मोन्नायनि उनाव दिपिकाआ बे

बान्थानि थाखाय हकी इन्डियानिसिम गावनि साबायखर हर्नायखौ फोरमायो। लोगोसे गावनि मुंखौ फोसावनानय खोनानाय उनाव बिथाडा गावनि नख'रनि

सोदोमाफोरनि गोब्राव गो ले गिरिफोरनिसिमबो नाजाफानायसिम क्रेडिट हर्दों। लोगोसे बान्थानि रं आरो बान्था देरहानानयखौ गावनि थाखाय जर'खा फोरमायनानै बेनि गेजेरजों आरो गावनिफ्राय साबसिनै दिन्थिफुंनो थुलुगा मोन्नायजों हादरनि मुंखौ गोर्जोसिनआव लाखिलानो नाजागोननि गोहो मोन्नायखौ फोरमायो। बे समाव बिथाड थांनानय बोसोराव गावनि दिन्थिफुंनानयखौ जर'खा फोरमायनानै बे समाव हेल्लार स्टाफ आरो कचनि अनगायै हान्जानि लोगो

साबायखर होदों। सिगां फासँ बिथाडा हान्जानि गेजेराव फोथानयलानाय थानायखौ देरहानानयनि बिथिडव गोनांथिथार होन्नानै फोरमायो। लोगोसे गावनि सायाव फोथानय थानांनौखौबो गोनांथिथार फोरमायो। मख'नो गोनांदि, दिपिकाआ थांनानय बावैसो सा फोरमायो। बे समाव बिथाड थांनानय बोसोराव गावनि दिन्थिफुंनानयखौ जर'खा फोरमायनानै बे समाव हेल्लार स्टाफ आरो कचनि अनगायै हान्जानि लोगो

## अरेन्ज केपनि रेसआव सुनिल नारायन आरो जश बटलारआ आवगायनानै दड

गोदान दिल्ली, 17 एप्रिल: इन्डियान प्रिमियर लीगनि सोलिफु सिजनआव खेबफ्रोम मेच जोबनायजों लोगोसेनो पार्ल आरो अरेन्ज केपनि फारिआव गेलेगिरिफोरखौ उन्सिगां जानाय नूनो मोनगासिनो। बेजों लोगोसे हान्जाफोरनि रेंकिं आवबो सोलानाय फेगसिनो दड। लीग स्टेजनि मेचआ गेजेर नांनानय लोगो लोगोनों अरेन्ज केपनि रेसआवबो गेलेगिरिफोरनि सिगांसिन जानाय रोखायाव फेबाय। दासिमाव गासैबो हान्जाफोरा खेब 6 मेचफोर गेलेबाय। थामहिनबा गासैबो हान्जाफोरानो लीग स्टेजआव बेजों समान मेचफोर गेलेनांगौ दबावो। कलकाटा नाइट राइडर्स आरो राजस्तान रयेलसनि गेजेराव गेलेनाय मेचआव केकेआरनिफ्राय सुनिल नारायन आरो आरआरनिफ्राय जस बटलारआ सेन्सुरि लादों। बेजों लोगोसेनो बिसोर सानैआ अरेन्ज केपनि रेसआव बयनिबो नोजोरआव गोल्दों। सोलिफु बोसोरनि लीगआव बांसिन रान लानाय फारिआव भिराट



कहलीआ सिगांसिनआव दड। बिथाड दासिमाव गेलेनाय खेब 7 मेचआव 361 रान लाबाय। बे फारिआव राजस्तान रयेलसनि रियान परगआ खेब 7 मेचआव 318 रानजों नैथि नम्बरआव जायगा मोन्नायनि उनाव राजस्ताननि हेंथायै सेन्सुरि लानायजों केकेआरनि सुनिल नारायनआ थोंजोडै थामथि नम्बरआव सौहैदों। नाथाय बिथानि मेच गेलेनाया सिगांसि सानै गेलेगिरिनिफ्राय खेबसे बाइडै थामहिनबा खेब 6 मेच जानानै दड। दासिमाव नारायनआ 276 रान लाबाय। राजस्तान रयेलसनि सन्सु सेम्पसनआ 276 रान लानानै त्रैथि नम्बरआव सौहैबाय। सन्सु आरो सुनिलनि गेजेराव रानआ

समानआव दडब्लाबो सुनिलआ साबसिन स्ट्राइक रेट खालामनानै दड। बेनिखायनो बिथाडा सिगाडाव जायगा मोनो। बे फारिआव रहित शर्माआ खेब 6 मेचआव 261 रानजों बाथि नम्बरआव जायगा मोनो। टप 5 बेटसमेनफोरनि बाथा बुडोब्ला, गुजराटनि केप्टेन शुभम गिलआ खेब 6 मेचआव 255 रानजों 6 थि नम्बरआव जायगा आवग्रिनानै दड। बिथानि उनाव सानराइजार्स हाइड्राबादिनि हेनरिक क्लासेनआ 253 रानजों 7 थि नम्बरआव जायगा आवग्रियो। केकेआरनि हेंथायै सेन्सुरि लानायजों जस बटलारआ 250 रान लानानै थोंजोडै 8 थि नम्बरआव जायगा मोन्दों।

## पेरिस अलिम्पिकआव गिबि स्वेब पार्ल गावनि एथलेटिक ट्रेक जागोन

पेरिस, 17 एप्रिल: फ्रान्सनि हादरगिरि इमानुएल मेक्रनआ पेरिस अलिम्पिकनि थाखाय थियारि जानायखौ फोरमायनानै बे इभेन्टनि बेखेवजेन्नाय हाबाफारिखौ रैखाथियारि जाहोननि थाखाय सिन्धु दैमानि सोलायै स्ट्रेडियामआव खुंनो लाफिनानयनि सायाव बाथा बुंदों। पेरिसआव फेगौ 26 जुलाइनिफ्राय 11 आगस्टसिम अलिम्पिक आरो बेनि उनाव



पेरालिम्पिकखौ खुंनय जागोन। जायनि थाखाय फ्रान्सआ सोलिफु समनिफ्रायनो हाइ एलाटआव फेदों। मानोना खुंफुंग्रा आफादफोरा इभेन्टनि समाव मुलुगनिफ्राय फेनाय अन्सायगिरिफोरनि सायाव गावसोरनि नोजोरखौ सांग्रिथियै लाखिनानो। सिगाडाव लानाय थिरंथा बादियै सिन्धु दैमानि 6 कि:मि: सो जान्थायाव थानाय दरसे ओन्सोलाव पेरिस अलिम्पिकनि अपेनि सेरेमनीखौ खालामनो थिरंथा लादोंमोन। जायनि थाखाय गासै 10500 निफ्रायबो बांसिन एथलीटफोरा नावनि गेजेरजों पेरिड खालामनांगोमोन। अलिम्पिकनि थाखाय फ्रान्सनि राजथावनि पेरिसआव सांग्रिथिआ बांसिन सोलिगासिनो दड। मेक्रननि बादिब्ला, रैखाथियारि थासारिआ थोजासे जाहैयोब्लासो सिन्धु दैमायाव अलिम्पिकनि बेखेवजेन्नाय हाबाफारिखौ जाफुसारे खुंफुनाय जागोन। बेबादि जायाब्ला थासारिनि

थाखाय एथलीटफोरनि पेरिड खालामगोन हासखौ खमयानो हागौ। मानोना सिन्धु दैमायाव खुंफुडोब्ला रैखाथिनि थाखाय गोबां बिथिडव नोजोरथि लाखिनानो जायो। मख'नो गोनांदि, जानो गोनां पेरिस अलिम्पिकआव पार्ल गावनि ट्रेकआव एथलीटफोरा रेकर्ड थिसनो खाबु मोनगोन। गिबि खेब अलिम्पिक गेम्सनि ट्रेकखौ नेमखान्थि बादियै गोजा गावनिफ्राय सोलानानै पार्ल गावआव होनाय जासिगोन। बेनि थाखाय इटालीनि फेक्टोरिआव बे गावखौ होनो थाखाय थियारि खालामगासिनो दड। रबानि गासै 1000 रोजानिखुइ बांसिन थुखाफोरखौ जरायनानै 1 दानसोनि गेजेराव ट्रेकखौ थियारि खालामनाय जागोन। बेनि थाखाय गोबां बिबानि रलु एबा आटा बाहायनांगो जायो। थांनानय टकिथ अलिम्पिकआव गोजा ट्रेकआव मोनथाम वर्ल्ड रेकर्ड आरो मोन 12 अलिम्पिक रेकर्ड थिसनजादों मोन। मन्ट्रएलआव 1976 निफ्राय लानानै दासिमाव मन्ड कम्पनीआनो बोसोरफोमबो अलिम्पिकआव ट्रेकखौ थियारि खालामो।



थाखाय रेसलारफोरा थियारिनि बाद एबा केम्प खालामनो हायाखै। रेसलरिनि फेडरेशनआ थांनानय 27 मार्चनिफ्राय हौवाफोरनि थियारिनि बादारखौ सनिपथ आरो आइजो रेसलारफोरनि बादारखौ गांन्धि बेंगालुरुआव खुंफुनानयनि थांखि लादोंमोन। केम्पआव ग्रिकरमन, फ्री स्टाइल आरो आइजो केटेगरिनि सा 120 निखुइ बांसिन रेसलारफोरा मुं होदोंमोन। जायनि फारिआव भिनेश फगातजों लोगोसे अलिम्पिक क्वालिफायरनि हान्जानायाव जायगा मोन्नाय रेसलारफोराबो दडमोन। नाथाय फेडरेशननि आर'जलाइनि सायाव साइआ मोनबो थिरंथा

लायाखै मोन। साइनिफ्राय थियारिनि बाद खालामनानयनि गनायथि होयैनि उनाव रेसलरिनि फेडरेशनआबो गावसोरनि लेभेलआव दुर्नामेन्टनि थाखाय मोनबो थियारि खालामाखै। बेनिनो फिथाइ महरे रेसलारफोरा गावयारि थाखोआव हासिडैनो थियारि जानांदों। क्वालिफायरनि फ्री स्टाइल हान्जानायाव अमनजों लोगोसे सुजित, जयदीप, दिपक पुनिया, दिपक सुमित आरो आइजोफोरनि हान्जानायाव भिनेश, अन्सु, मानषी, निशा आरो ऋतिक। आ दड। भिनेशखौ नागरानै सा 16 रेसलारफोरा मंगलबार फुडवनो किर्गिस्तान फासँ दावबायनायखौ जागायदों।

## राजस्ताननि हेंथायै जेन्नायनि उनाव बि सि सि आइआ अय्यरनि सायाव थिरंथा लादों



गोदान दिल्ली, 17 एप्रिल: आइपिएल 2024 आव कलकाटा नाइट राइडर्स आरो राजस्तान रयेलसनि गेजेराव 31 थि मेचआ जानानै थाडे। बे मेचआव कलकाटनि हान्जाना 223 रान लासेयावबो जेन्नांदों। केकेआरनि केप्टेन श्रेयस अय्यरनि थाखायबो बे मेचआ मोनसे जेनानि जाहोन जानानै थाडे। बेबादि समाव बिसिसिआइआ बिथानि सायाव मोनसे थांखि लायो। जायनि जाउनाव बिथाड फाननै जेनायाव गोल्दो। कलकाटनि इडेन गार्डेन्सआव गेलेनाय बे मेचनि उनाव बिसिसिआइआ अय्यरनि सायाव 12 लाख रनि जुरिमाना फोनांदों। कलकाटा नाइट राइडर्सनि केप्टेन अय्यरनि सायाव आरआरनि हेंथायै गेलेनाय मेचनि समाव लासैयै अभा खुबैनायनि थाखाय हान्जानि सायाव जुरिमाना फोनांनय जादों। मानोना बे समाव अय्यरनि हान्जाना थिखानाय समबादियै बलिं खालामनायाव फेलें जादोंमोन। अय्यरआ आइपिएलनि सोलिफु सिजनआव गांन्थियै दिन्थिफुंनानो दड। मानोना बे सिजनआव बिथाड दासिमबो गिदरि स्करिनि इन्स गेलेनो हायाखै। जाउनाव लीगनि हान्जाना लोगोसे गावनि भारतीय हान्जानायाव जायगा मोनगोनआबो जेनायाव गोल्दो। सोलिफु सिजनआव अय्यरआ खेब 6 मेचफोराव 35 जौखोन्डो आरो 122.81 नि स्ट्राइक रेटजों 140 रनल' लादों। नाथाय केप्टेन महरे बिथानि पारफेम्सआ मोजाडाव थाहैयो। मानोना बे सिजननि खेब 6 मेचफोराव बिथानि हान्जाना खेब 4 देरहाबाय। कलकाटनि थाखाय बिथानि फर्मआल' जेनानि जाहोन जानानै दड। नाथाय थांनानय खेवथाम मेचफोराव कलकाटनि दिन्थिफुंनाना दावखालानानै फेदों। मानोना बे मेचनि गेजेराव हान्जाना खेबसेल' देरहादों।